

說郛卷第

聞見襟錄

衝節


太宗為殿前都點檢有殿直衝節執政詣樞府樞相王朴曰  
太尉軍制殿直廷臣無迴避禮太祖即位每嘆曰安得王  
朴者相之

執政奏事

故事執政奏事坐論殿上太祖即位之明日執政登殿上  
曰朕目昏持文字近前執政至榻前蜜遣中使徹其座執  
政立奏事自此始也

仁宗禱雨

慈聖光獻皇后養女范觀音得幸仁宗温成患之一日歲  
大旱仁宗祈雨甚切至燃臂香以禱宮人內璫左右皆燃  
之祈雨之術備尽天意弗答上心憂懼温成養母賈氏宮





中謂之賈婆，威動六宮時相認之，以爲姑。乃陰謂丞相請出宮人，以弭災變。上從之，溫成乃自上。非出所親厚者，莫能感天意。首出其養女，以率六宮。范氏遂被出，而雨未應。上問臺官李東之曰：「惟冊免，詎未行耳。」是夕鎖院賈氏營求不獲相。

從工部侍郎拜武鎮軍節度使同中書門下平章事判北京雨遂霽

### 仁宗出女口

先公為諫議論官王得用進女口。仁宗初詰之曰：「此宮禁事，卿何從知？」先公曰：「臣職在風聞，有之則陛下當改，無之則為妄傳，何至詰其從來也？」仁宗咲曰：「朕真宗子，卿王某子，與他人不同，自有在契德用所進女口，有之在朕左右，亦其親近，且畜之如何？」先公曰：「若在疏遠，雖畜可也。」臣之所聞，正恐親近。仁宗色動，呼近璫曰：「王德用所進女口，各



支錢三百貫即令出內東門了急來遂涕下先公曰陛下  
旣以臣奏為然亦不須如此之遽且人禁中徐遣之上曰  
朕雖為帝王然人情同耳苟見其涕泣不忍出則恐朕亦  
不能出之卿且畜此以待報先公曰陛下從諫古之哲王  
所未有天下社稷幸甚久之使奏宮女已出門東復動  
容而起

### 太平之象

李和文都尉好士一日召從官呼左右軍營妓置會夜午  
臺官論之揚文公以告先君不答退以紅牋書小詩以遺  
和文且以不得預會恨為明日真宗出䟽文正公曰臣嘗  
知之亦遺其詩恨不得往也太平無象此其象乎上意遂  
釋

### 敏對

丁晉公嘗忌揚文公一日詣晉公旣拜而髯拂地晉公曰



內翰拜時鬚撒地起視拂塵曰相公坐處幕漫天時人稱其敏而有理

太祖截宮人腕

太祖一日幸後院觀牡丹召宮嬪將置酒得幸者以疾辭再召復不至上乃親折一枝過其舍而簪於髻上上還輒取花擲地上顧之曰我艱勤得天下乃款一婦人敗之邪即引所佩之刀截其腕去而

太祖射殺金城夫人

金城夫人得幸太祖頗恃寵一日宴射後苑上酌巨觥以勸太宗固辭上復勸之願太宗太祖曰金城夫人親折此來乃飲上遂命之太祖引弓欲射而殺之太宗即再拜而泣抱太祖足曰陛下方得天下宜為社稷自重而上飲射如故

乖崖義使



張乖崖布衣時客長安旅次聞隣家至夜聚哭甚悲訊之其家無他故乖崖詣其主人力叩之主人遂以實告曰某在官失其自慎嘗私用官錢為官僕所持款娶長女拒之則畏禍與之則女子失身約在朝夕所以奉家悲泣也乖崖明日至門首候其僕出即曰我白汝主人假汝至一親家僕遲遲強之而去出城使道馬前至崖間即疏其罪僕倉皇間以刃揮墜崖中婦告其隣曰盛僕已不復來矣速歸汝鄉後當謹子事也

太祖御太方鎮

太祖即位方鎮多偃蹇所謂十兄弟者是也上一日召諸方鎮授以弓劍人馳一騎與上私出國子門大林中下馬酌酒上語方鎮曰此間無人爾輩要作官家者可殺我為之方鎮伏地戰恐上再三諭之伏地不敢對爾輩真欲我為主耶方鎮皆再拜稱萬歲上曰爾輩既欲天下主爾輩



當盡臣節今後母或偃蹇方鎮復再拜呼萬歲與飲尽醉而歸

李文靖端默寡言

李文靖端默寡言堂下花檻傾圮經歲不問魚軒一日語之文靖不答累以為言文靖曰豈以此故動吾一念哉亦不知文既薨盛夏顏色不變吐香如蓮花七日不滅

夜光珠

廣東老媪江邊得豆蚌剖之得大珠歸而藏之絮中夜輒飛去及曉復還媪惧失去以大釜煮之至夜有光燭天隣里驚之以為火也競往赴之光自釜出乃珠也明日納于官府今在韶州軍資庫予嘗見之其大如彈狀如水晶非珠也其中有北斗七星隱然而見煮之半枯矣故郡不敢貢於朝

金州石洞



金州道左右洞石入洞十里有石門門間有仙人像半掩扉外又有白石龍一條凡觀者必執炬而入有落烬即旋失去之每早必往祈請及出洞門必有書字記雨之多少商人或過洞外必森然心動莫不加敬

### 聖泉

夔峽將至灩澦堆峽左岩上有題聖泉二字泉上有大石請之石洞而初魚泉也至者擊石大呼則水自石下出予嘗往焚香俾舟人擊而呼之曰山人土地人渴以久之不報一卒無室家復大呼曰龍王萬姓渴以隨深水大注時正月雪下其水如湯或曰夏則如冰凡呼者必以石時如必以龍王如呼之水於是出矣

### 揚州瓊花

揚州后土廟有瓊花一珠宋丞相構亭花側榜曰无双謂天下無別株也仁宗慶曆中嘗分植禁中明春輒枯遂復



載近廟中鬱茂如故

張文懿作相

張文懿為射洪令出城遇村寺老僧于道邂逅過之必以出迎文懿恠而詰之僧曰長官來則山神夜夢告某曰相公至矣一日復往而僧不出文懿曰不出何也僧謝曰神不我告也文懿以為誕使僧問其所以夜夢告僧曰長官誤斷殺牛事天符已不復相矣文懿驚駭大省之果嘗有殺牛事也遂復改正明日再過寺僧復出曰昨夕山神雲長官復為相日當來但戒宰尔後文懿再入中書

王牒

太宗即位以太祖諸子並稱王子嘗曰猶我子也何有分別其皇后族遂不以疏密尊卑皆加皇字故有皇兄之類非典故也予丞宗正嘗建言乞以春秋之至名冠其父祖所封國王子曰王孫惟皇子得稱王焉時相呂申公喻太



常少卿梁燾阻格不行宗正寺玉牒仙源類譜皇屬即日  
慶曆八年張文定以翰林李士為宗正寺修玉牒官修奉  
之後至元祐元年凡肆十五年王牒官皆一時名人宋次  
道輩是也未嘗成書仁宗朝官制行分隸宗正寺至予為  
正方建明脩完其間最難取會者宮禁中事與皇族女夫  
官位耳皆慶歷前皇族女尚少至元祐間不下萬員予請  
於朝宮禁事乞會內侍省御藥院皇族女附予屬籍不必  
書其官但書某適某人可也朝廷從之遂獲成書然玉牒  
事迹皆取三省樞密院時政記與日歷脩著其禁甚嚴元  
祐末遂令使院官修撰送宗正寺書錄丞失其人非典故  
與官制也亦自予罷丞今十餘年不聞復進書矣因書嚴  
奉未有如玉牒者祖宗以來用金花白羅紙金花紅羅縹  
黃金軸神宗時言為臯金梵夾以軸大難披閱也予進神  
宗時續玉牒初自用此制又以黃金為匣鎖鑰皆黃金也



進畢奉安於太廟南宗正寺玉牒殿予初曰執正官乞修  
寺書自司馬丞相無一人知此典制者皆曰玉牒用玉簡  
刊刻如冊者也其玉牒典制尚不悉知書之之廢亦宜矣



四朝聞見錄甲至戊五卷

宋葉紹翁 尤泉人

紹翁恭聞南渡已未四朝史事雖已浸備采野史以補國史之闕蓋故典也愚不自揆得之見聞緝為一書曰四朝聞見錄庶補國史之闕敬錄諸梓務在增廣參驗凡孝子順孫思欲發揮先業縉紳先生不忍棄置異聞亟望垂教

賜燕滌爵

賜酒群臣無滌爵之文孝宗錫宴內朝丞相王淮涕流於酒已則復縮涕入鼻觀吳公琚兄弟預燕上其飲酒輒有雉色微和左右知其故後有詔自淮始

衣被

大臣見百官主賓皆用朝服時暑伏甚丞相王淮躰弱不能勝悶至絕上亟詔鑿疾有間後有詔許百官以衣自淮始



張司封廟

張司封廟號昭貺即祐中尚書兵部張公

國史作兵碑又作太常祠典夏

工部員外  
俗呼司封

字伯起景祐中出為兩浙轉運使抗州江岸率

用新土潮水衝擊不過三歲輒壞夏令作石隄一十二里以防江潮之害既成州人感夏之功慶曆中立廟於隄上嘉祐十年贈太常少卿政和二年八月封寧江侯改封安濟公併賜今額紹興十四年增靈感字紹興三十年增頌濟字予以本末攷之初無神恠之事今臨安相傳以伯起沿潮三年莫得其要頗不勝阨憤尽抱所書牘自赴于江上訴于帝後于所寓夢於伯起繼是修江者方得其說隄成而潮亦退蓋真野人語也江之所恃者隄安有伯起不知以石代新土之便工未及成効匹夫溝瀆之為此身不存而憑虛忽之夢以告來者万一不用其夢患當何如是尚得生名之智歿謂之神乎沿江十二里要是上至六和



塔下至清門正昭旣所築今顧諉之錢王則尤繆矣武林  
本日虎林唐避帝諱故曰武林如以玄虎為玄武之類山  
自天日而來為靈隱後山頓伏至儀王墓後若虎昂首顧  
下石隱：有斧鑿痕故老相傳以為太祖又以為徽宗用  
望氣者之言鑿去虎頤又謂高宗嘗占夢為虎所驚因鑿  
焉未知孰是今行宮有小山曰武林道士作亭其上環以  
蒼竹蓋因一小土阜為之非林也道士易如剗間因而餽  
樓公齋宿丐詩以詠其亭詩中用事最為精博曰武林山  
出武林水靈隱後山毋乃是此山亦復用此名細攷其來  
真有以也蓋靈隱之上即武林之山冷泉之水即武林之  
水謂此山亦復用此名則竹宮培塿之土非武林明矣老  
筆殊使人畏也末章乃謂鑿井建繡黃庠以厭王氣疑此  
山為武林餘脉是有收拾人情之論當以前章為正云



高宗御書六經掌以賜國子監及石本予諸州庠上親御翰墨稍倦即命吳后憲聖續書至今皆莫能辨 万年國清李宗喜占對宋之瑞面對上問以所居之瑞對曰臣家於天台上又問曰被多名山勝刹孰為之冠之瑞對曰唯是万年國清上大嘉歎遂兩制云三衢毛澤民以薦者面對徽宗上問以所居江郎山高可幾許澤民姑大言曰五千丈上質以何以驗之毛對曰臣日斜時視景上喜其捷

### 皇甫真人

皇甫真人號為有道術善風鑑高宗間因大雪中召入以手提其所衣繒絮至數襲謂皇甫曰先生亦怕冷邪皇甫從容對曰臣聞煩天者昌時逆亮謀南寇故皇甫以對上悅後又自出未上叩其所以未則曰做媒未臣為陛下尋得个好孫媳婦上問謂誰則以慈懿皇后對右大將子也生於營中生之日有黑鳳儀于營前大黑石上人謂鳳



賓鸞驚石則玄王慈懿小字鳳娘蓋本於此石既為太子

妃至訢太子左右於高孝兩宮高宗不懌謂憲聖日終是

將種吾為皇甫所悞孝宗屢訓妃宜法大媽即憲螽斯

之行汝即管輅太子爭吾寧瘳汝上欲懼之未嘗真欲廢

之也石因驚憤疑其說出於憲聖會光宗即位大惡近習

忽手批付內侍省取其尤黠者首級陳源其黨亟奔訢

以重華有急教曰吾兒息怒光皇雖即奉旨而詞色加怒

意欲他日尽如此曹由是宦者相懼而謀所以間三宮者

光皇適感心疾久缺定省重華憂之得草澤良藥為壹大

丸疾可立愈欲宣賜恐為右所沮候光皇問安即面授之

宦官因間慈懿云太上只等官家過宮便賜藥後右使覘

北宮果有藥后遂特嘉王泣而訢之上上由此豎不肯詣

太上先是上之未疾也常獨幸聚景兩制俱扈從惟吳琚

侍制以疾在告上將進酒於茶蘼花下言者飛章交互謂



太上每出幸外苑必恭請光堯上方怒言者遂以重華亦  
有不曾恭請光堯之時以語從臣適太上命黃門持玉卮  
暨以賜會上怒未息以手顫誤觸卮于地黃門歸奏  
遂隱言者之事但云官家終見太上奉憲聖幸東園閱市  
而上偶不記太上左右陰颺雞數十故使捉之不獲乃相  
與太呼曰今日着雞不着蓋館安以候人飲食為捉雞故  
此激太上怒太上陽若不聞而王色微變自上以疾不詣  
北宮至孝宗大漸終弗克執卷与憲聖垂歿而莫有甞藥  
皆為宦官所誤云

揚沂中穴西湖

言者疏奏揚沂中擅灌西湖水入私第上徐曉言者曰朕  
南渡之初虜人退而群盜起朕重困赤子用議者羈縻之  
策刻印盡封群盜大者郡王小亦節錢所自有者惟浙數  
郡猶豫未決會諸將盡平群盜朕已發願除土地之外凡



府庫金帛俱實不問沂中故有餘力以給泉池若以諸將  
平盜之功論之雖盡以西湖賜之曾不為過沂中此事惟  
卿欲之言者皇恐而退

憲聖不妬忌

憲聖初不以色幸自南渡以來以至為天下母率多漁貫  
以進即以疾辭恩陵念其勤勞之久每欲正六宮之位而  
屬以太后遠在沙漠不敢奉行上嘗語憲聖曰極知汝相  
同勞苦反與後者齒朕甚有媿俟姐姐謂太后歸尔其選已  
憲聖再拜對曰大姐：遠出北方臣且缺於定省每遇天  
日清美侍上宴集繞一思之肚裏淚下臣妾誠夢不到此  
上為泣下數行愈以后為賢暨太后既旋奎馭以何嘗與  
憲聖均為徽宗左右徽宗遂以憲聖事高宗太后恐憲聖  
記其微時事故無援立意上侍太后拜而有請曰德妃吳  
氏服勞之久外庭之議謂其異主中饋更合取自姐：教



旨太后陽語上云這事由在尔而陰實不欲上遂批附外  
廷曰朕奉太后之命云德妃吳氏可立為后后遂開擁佑  
三朝之功云

### 佑聖觀

古篆無佑匕即右賜佑聖觀扁篆者為右羽流固爭以為  
觀中無人何以自立至聽之禮部旨從之非古篆也識者  
為既從佑字則不當用篆觀為孝宗潛邸先是有神三見  
于雲端孝宗為之拜跪既即大位賜邸為觀蓋龍潛初志  
也

### 勵孝

寢室傍規小室若今小序有富貴必從勤苦得男兒須讀  
五車書二句上自訓在文讀書之地故書此以厲之

### 寧皇二屏

寧皇命二小黃門常背二小屏前隨導其所至即面之屏



書戒曰少飲酒怕吐少食生冷怕痛折二字為二屏以示  
之故每飲不過三爵宮中動卻呵魏黃衣至不之避自以  
補革舄浣紬衣為便左右至以語激上則應曰毋作聰明  
乱旧章盖孝于永嘉陳氏傳良寧導上以此故終身不忘  
大臣進擬不過昼可謂之請批依龍顏隆準相者謂真老  
龍形

### 陸放翁

陸游字務觀山陰人名游字當從觀平声至今謂觀去声  
盖母氏夢秦少游而生公故以秦名為字而其名云或曰  
公慕少游者也曾祖名細字農師有孝行有詩說傳於世  
父卒祖半山後以新法浸具公紹具間已為浙漕鎮所第  
一有司竟首秦燔熹作寔公於末及南宮一人又以秦檜所  
諷見黜盖疾其喜論恢復紹具末始賜弟孝詩於茶山曾  
文清公其後冰寒於水云嘗從紫岩張公游具知西北事



天資慷慨喜任俠常以據鞍草檄自任且好結中原豪結  
以滅虜自誓商賈仙釋詩人劍客無偏交或疑其交游非  
類為論者所斥上矜其才旋即復用未內禪一日上手批  
以出陸游除禮部郎上之除目自公而止其得上眷如此  
公早求退徃來自苦耶雲門番賓款恰以觴咏自娛官已  
階中大夫遂致其仕誓不復出韓侂胄固歎其出落致仕  
除次對公勉為之出韓喜陸附已至出所愛四夫人臂阮  
琴起舞索公為詞有飛上錦裯紅皺之語又命公酌青衣  
泉旁有開成道士題名韓求陸記上極精又且以坐客皆  
不能盡一瓢惟游尽勺且謂掛冠復出不惟有愧於斯泉  
抑且有愧於開成道士先是慈福賜韓以南園求記於公  
公記云天下知公之功而不知公之志知上倚公而不知  
公之自處與上之倚公本不自佯蓋寓微詞也又云游老  
謝事在陰澤中以公手書來曰子為我作南園記豈取其



無諛言無侈辭之以導公之謂欲公已賜雨第人謂公探  
孝宗恢復之志故作為歌詩以恢復自期至公之終猶番  
詩以示其家云王師尅復中原日冢祭無忘告老翁則公  
之心方暴白於易簣之時矣又有鄭棫者嘗第進士自作  
南園記并礮石銘以獻韓以陸記為重仆鄭石瘞之地後  
韓敗鄭竟免莆陽陳謙文人也輸灵壁石以壽韓至刻金  
字于石稱之曰我王又有某人以賜字分為九題如錫壽  
錫福之類為枕以獻韓仁敗有為陳瘞石于地者會搜地  
窖鑑然有聲則陳石也遂為言者所彈陳番題三第觀梅  
亭詩有竹密不知雲欬雨山高尽見水朝宗之句繼是猶  
未能和者翰墨本於顏蔡世以不得其字為憾獨附韓一  
節為恨官爵自有定命特諸人自言不遇尔

### 高宗知命

高宗自能推步星命或臣下不能經始仰福聖眷則曰吾



奴僕宮星陷故也

閱日南園記

前所載臣僚論仇冑鑿山為園下瞰宗廟窮夸極侈僭擬  
宮闈又云初造亭館震驚大廟之山宴樂咲語声徹神御  
之所盡及路馬礼数當誅簡慢宗廟罪宜万苑盖自寧壽  
記梅亭而止太室之後山皆觀中地也韓侂冑擅朝旧居  
于大庙側遂奄觀之山而有之為閱古堂為閱古泉旧名青衣有青  
衣童現泉為流觴曲水泉自青衣下注于壑十有二折旁砌

上故名

以馬瑙沅泉而下瀦於閱古堂渾涵数畝有榭坡十有二  
級夜宴則殿岩用紅灯数百出於挑坡之後以燭之其雲  
岩之最奇者曰雲尽岫寒命程有微校通鑑于中仇冑居  
之既久歲累日積剔奇抉勝洗石而雲根出剗土而泉脉  
見危峯穩石淺濤深沼窈窕淳深疑為洞天福地之居不  
数其為在天衢只有咫尺後韓敗尽給还寧壽今後為某



地云又慈福以南園賜侏曹有香山十樣錦之勝有奇石  
為十洞有亭七頂登以文香山本蜀守所獻高至五尺出  
於沙蝕濤激之餘玲瓏壁立在陵風闕下皆記所不載予  
已畧具記于前集近聞併閱古記亦登於作記者之集又  
碑已仆衢後人無復考其詳今併載二記云閱古泉記云  
太師平原王韓公府之西繚山而上五步一磴一壑崖如  
黿伏徑如驚蛇大石礪礪或如地踊以立或如空翔而下  
或翩如將奮或森如欵搏名為碩果更出互見壽藤恠蔓  
羅絡蒙密地多挂竹秋而華敷夏而擗解至者應接不暇  
及左顧而右盼則呀然而江橫陳豁然而湖自獻天造地  
設非人力所能為者其尤勝絕之地曰閱古泉在番王亭  
之西繚以翠麓覆以美蔭又以其東何故洛海之日既望  
之月泉輒先得之袤三尺深不知其幾也霖雨不溢久旱  
不涸其井飴密其寒氷雪其泓止明清可鑒髮而雖游塵



墮葉常若有神物呵護屏除者朝墓雨賜無時不鏡如也  
泉上有小亭也中置瓢可飲可灌尤烹茗釀酒為宜他石  
泉皆莫逮公常與客相羊泉上酌以飲客游年最老獨尽  
一瓢公宦而喜曰君為我記此泉使後知吾輩之游亦一  
勝也游按泉之必有唐開成五年諸葛鑑元八分書題名  
蓋此泉湮伏弗耀日者幾四百年公乃復發之時閱古蓋  
先忠獻王以名堂者則泉可謂遠矣游起於告老之後而  
道士為有姪女視泉尤有媿也幸旦墓得復歸故山幅巾  
短褐从公一酌此泉而行尚能賦之嘉泰三年四月乙巳  
山陰陸游記南園記云慶元三年二月丙午慈福有旨以  
別園賜今少賜平原郡王韓公其地實武林之東麓而西  
湖之水匯于其下天造地設極湖山之美公既受命乃以  
祿入之餘葺為南園因其自然輔以雅趣方公之始至也  
前瞻却視左顧右盼而規模定因高就下通窳去蔽而物



象列竒葩美木爭效于前清流芳石若顧若揖於是非觀  
傑閣虛堂廣所上足以陳俎豆下足以奏金石者莫不畢  
備升而高明顯敞如悅塵垢入而窈窕邃深疑於無窮既  
成悉取先魏中獻王之詩句而名之堂最大者曰許間  
上為親御翰墨以榜其顏其射所曰和容其臺曰寒碧其  
門曰藏春其閨曰凌風其積石為山曰西湖洞天其瀦水  
藝稻為田為場為牧羊牛畜鴈鷺之地曰埽畊之莊其他  
因其實而命之名則曰夾旁曰豁望曰解霞曰矜春曰歲  
寒曰忘機曰照香曰堆錦曰清芬曰紅香亭之名則曰遠  
塵曰幽翠曰多稼自紹興以來王公將相之園林相望莫  
能及南園之髣髴者公之志豈在於登臨游觀之美哉始  
曰許間終曰歸耕是公之志也公之為此名皆取於忠獻  
王之詩則公之志忠獻之志也其獻中同時功名富貴略  
相將者是無其人今百四五十年其後徃：寂寥無聞韓



氏子孫功足以銘彛晁被絃歌者出相踵也逮至于公勤  
勞王家勲在社稷復如忠獻之感而又謙恭抑畏拳拳志  
忠獻之志不忘如此公之子孫又將視公之志而不敢忘  
則韓氏之冒將與宋無極雖用之齊魯尚何加哉或曰上  
方倚公如濟大川之舟公雖欲遂其志其可得在是不然  
知上之倚公而不知公之自處知公之勲業而不知公之  
志此南園之所以不可無述游老病謝事居山陰澤中公  
以手書來曰子為我作南園記游竊伏思公之門才傑所  
萃也而故以屬游者豈謂其愚且老又包袱衣冠而去則  
庶幾其無諛辭無侈言而足以道公之志歟此游所以承  
公之命而不獲辭也中大夫直華文閣致仕賜紫金魚袋  
陸游謹記鎮安軍節度使開府儀同三司判建康軍府事  
充江南東路安撫使兼行宮留守吳玘堇書并篆額上真  
大書南園記字非篆也不用螭首繪以雲鶴云云



南園記考異

武林即今靈隱山南園之山自淨慈而分脉相去靈隱有南北之間麓者山之趾以南園為靈隱山之趾恐其不然惟魏樓公賦武林之山甚明園林中有亭曰晚節植菊二百種亦取其祖詩句詩中不及云

四夫人

仇曹所幸妾同其苦者為三夫人號蒲頭花新進者曰四夫人至通宮籍慈明常召人入見賜坐以示優寵四夫人者即與慈明偶席蓋娛也慈明銜之迨韓為鄭發所刺諸婢皆遣還其父母慈明特旨令京尹杖四夫人而遣之

相押字

丞相王沂中閑居郊行遇相押字者相者以筆札進王拒之但以所執杖大書作一畫相者作而再拜曰閣下何為微行至此宜自愛重王愕然詰其所以則又拜曰土上作



一畫乃王字也王咲批緡錢五百萬仍用掌所押字命相者翌日詣司帑徵取司帑持券熟視曰你何人乃敢作我王質押來賺錢吾當執汝詣有司相者具言本末至声屈冀動王听王之司謂與司帑同列釀金五十緡与相者与持金大慟痛罵司帑而去間因食押支用歷乘間白王前日王批與相者五百万有之乎王曰是司帑進曰某以非息主押字拒之衆人打合五十千與之矣王驚曰汝何故不可他今日說是王者未日又胡說增添則王之謗厚矣且息主已開王社何所復用相王起而撫其背曰你說得是就以予相者錢五百万旌之

吳雲壑瑤字居父畱守建康高踈寮仰孫授徽倅道出金陵投以詩曰四朝渥遇髮微絲多少恩榮世共知長樂花深春侍宴重華香暖夕論詩黃金羸滿無心愛古錦囊婦有字竒一咲容陪朱履客看臨古帖對梅枝公之客曰儲



用項安世周師稷劉翰王輝王明清晚得王大受及子姪  
之授官者允游從皆極一時之彥公他無嗜好居近城東  
樓孝皇為書扁以賜不名其名而名其官樓下設維摩榻  
尤愛古梅日臨鍾王帖以為課非其所心交者迹不至此  
高氏獨知詳故落句及之

宣政極盛時宮中以河陽花蠟燭無香為恨遂用龍涎沉  
腦屑灌蠟燭列兩行數百枝燄明而香滃極天下之所無  
也建炎紹興久不見此惟太后旋塞沙漠復始壽上極天  
下之養故用宣政故事然僅列十數炬太后陽若不聞上  
至奉卮白太后曰獨頗愜聖意否太后謂上曰尔爹每夜  
嘗設數百枝諸貴人閣分亦有之上因太后起更衣微謂  
憲聖曰如何得此爹富貴孝宗以奉太母故加養



吳郡王益太母地也秋氣高清聖情怡懌至於手書御禮  
一聯云趣此一天風月好摘香酒熟待君來命近璫持以  
賜益入對頓首稱謝上咲曰聊復當折簡耳

韓侂胄既敗群婢放逐之時韓門巷至有三數輩皆稱為  
某妾某人父母蓋其宛轉而入皆謂父母宮中遂命願認  
父母者听除首飾衣服之外不許以奩載出金釵至挿滿  
頭衣服至着數襲市人利其物而因以轉買其身故相競  
相逐願為之父至有引郡妾之裙必欲其同婦者亦足一  
咲也亦足為鑒云

或問余曰今九里松一字門扁吳說所書也字何以金余  
謂之曰高宗聖駕天竺由九里松以入顧憲言有扁翌日取



入款自為御書黼黻湖山命筆研書數十番嘆息曰無以  
易說所書也上命匠就以金填其字復揭之一字門云  
憲聖召秦檜夫人入禁中賜宴進淮青魚憲聖顧問夫人  
曾食此否夫人對曰食此以久又魚視此更大且多容臣  
妾翌日供進夫人婦亟以語檜憲之曰夫人不曉事翌日  
遂易糟鱠魚大者數十枚以進憲聖咲曰我便道是無許  
多青魚夫人誤耳

金鳳花如鳳味飛舞每種各具一色聚開則五色成花自  
夏至秋尤盛謂之金鳳花中都官閨間謂之鳳兒花慈懿  
之生有鸞鷲于黑珉名曰鳳娘迨正坤極六宮避日韓稱  
曰好兒女花至今猶然

陸放翁游祭朱文公云指百日起九原之思傾長河住東  
海之淚路修齒耄神徃行番公歿不忘庶其款饗僅此六  
句詞有所遜而意亦至矣蔡元定先生三年歿以柩歸葬



公以文慟之其詞曰竊問亡友西山先生羈旅之櫬遠自  
春陵來歸故里謹以家饌隻雞斗酒酌于柩前嗚呼哀哉  
畧無他詞及其塋也以病不能會遣其子以文祭之曰季  
通而至此邪精詣之織卓絕之才不可屈之節不可窮之  
辨既不復可得而見笑天之生是人邪西山之顛君擇而  
居西山之足又卜如藏而我於君子生未及造其廬以遂  
半山之約及其葬也又不能伏曳病軀以盡親友之義反  
此貞宅而永訣以終天年並游之好同志之樂已矣陸公  
之祭文公蔡君俱不敢以一字誦其屈蓋當時權勢薰灼  
諸賢士不敢出聲吐氣以目相視而已交公遭謗謫之後  
慶元六年終于正寢郡守傅伯壽以黨禁不以聞于朝猶  
遣人以賻至其家辟焉時故舊莫敢致哀陸公僅以祭文  
之



瑞桂堂暇錄

帝王世記曰庖犧氏作八卦神農重之爲六十四卦黃帝堯舜引而伸之分爲三易夏人因炎帝曰連山殷人因黃帝曰歸藏文王廣六十四卦著九六之爻曰周易王弼虞翻韓康伯孔穎達及淮南子皆云伏羲已重爲六十四卦乾鑿度亦曰庖犧氏畫爲六十四卦文王作文辭周公作彖辭鄭氏則曰神農重卦蓋本世記言司馬遷揚雄言文王重之非是繫辭曰八卦成列象在其中因而重之爻在其中味其文義爲伏戲分曉觀十三卦制作重其卦名皆在文王前如神農耒耜之教蓋取諸益之類昭然可證至於卦辭則作於文王文辭作於周公馬融釋經陸續序大玄及王弼並依此說若以爻辭爲文王則辭多文王後事明夷五六可見韓宣子聘魯見易象乃嘆周公之得則爻辭爲周公作無疑孔子十翼乃上下象上下象上下繫



文言說卦序卦班固亦云十翼作於孔子或疑春秋傳穆姜之筮得文言是時未有孔子安得孔子作或曰此左氏之繆或曰古有是語孔子用之孟子謂春秋天子之事蔡石林謂春秋不特天子之事乃天之事也蓋天子僅可賞罰一時之諸侯卿大夫時王之得失誰得而治之故曰春秋為天子事有四時賞有春夏刑以秋冬既因魯史之舊每年必須春夏秋冬石林謂自隱至哀凡十二公以象天之十二月謂十二為天之大數是矣但以二百四十二年象天之二十四氣則失之鑿春秋惟桓公以不義得國經於四十七年闕秋冬十四年十七年或書夏不書月或書日不書夏桓公惟元年二年十八年十年書王餘並不書王以著桓之不知有王桓之薨王乃使榮叔錫之命此為不當故春秋王不須天削天字以示貶其餘書求金求車之類直書而不晦深譏時王之失此非天之事而何



齊桓公衣裳之會十一兵車之會四盟兆盟牡丘會于淮  
北則兵車之會也莊十三年會北吉十四年會鄆十六年  
盟幽二十七年盟幽會揜盟貫會陽穀首止審毋葵丘衣  
裳之會十有一孔子之說九合諸侯不以兵車何也蓋北  
杏圖霸初會鄆霸未成惟莊十五年再會鄆左傳曰  
奔始霸也夫子所謂九合諸侯乃是再會鄆為始

平王東遷而雅亡齊桓霸而正風亡楚莊霸而諸國之風  
皆亡讀隱公之春秋見王迹熄而天下為五霸也讀定哀  
之春秋見霸迹熄而天下為戰國也呂東萊云春秋之時  
堯舜禹湯文武之澤幾絕而僅存戰國秦漢之風方生而  
未艾此正是世變接頭處

夫子定書乃以秦誓繼於帝王百篇之後其或繼周者百  
世可知也夫子固已知周必秦矣

周禮儀禮 周公作禮儀三百即周禮威儀三千即儀禮



周禮遭秦藏於山岩屋壁得不亡漢武帝時有季氏者獲  
之以上河間獻王獨缺冬官千金訪求不得補以考工記  
奏上祕省時為以為非是不行只藝文志周經六篇是也  
至劉歆始識以為太平之迹乃立冬官在三禮中最晚出  
康成注

文章各有體六一公為一代文章冠冕亦以其事上合體  
如作詩即絕及李杜碑銘記序即不減退之作五代史即  
與史司馬子長並加作四六一洗崑體作奏議庶幾陸宣  
公游戲小詞亦無愧唐人花間集蓋得得文章之全者如東  
坡之文固不可及詩如武庫矛戟已無不利且未嘗作史  
魯子固之古雅蘇老泉之雄健固文章之傑然皆短於詩  
山谷詩騷妙於天下而散文頗尙繁碎其他文大蓋亦各  
有所長而全美之為難

老泉携東坡顛瀆謁張文定公時方入習制科業將應詔



文定公與語奇之館於齋舍翌日文定公忽出六題令人持與坡穎云請季士擬試文定密於壁間窺之兩公得題各就坐致思穎於一題有疑指以示坡：不但言季筆倒敲几上云管子注穎濱疑而未決也又指其次東坡以筆勾去既擬撰出以納文定閱其文益喜勾去

文定歎試之也次日文定見老泉云皆天才長者明敏尤可愛然少者謹重成就或過之所以二公皆受知文定而穎濱感之沈深

文章以不蹈襲為難昌黎作樊紹述墓誌稱其必出於己不蹈襲前人一言一句觀絳守居園池記用瑤翻碧漱等語誠然矣歐公拔之矣詩曰嘗聞繼絳守居偶未登覽周四偶異哉樊子恠可吁心歆獨去無古於窮荒探幽入有無一語詰百盤紆孰云已出不剽襲句法乃季盤庚書國史補云元和之後文筆季奇於韓愈季溼於樊宗師



韓之文如水中鹽味色裏膠青未嘗不用事而未嘗見其  
用事之迹盡去陳言足起八代之衰然或者又謂坐茂對  
濯清泉即楚詞飲食泉蔭松柏也飄輕裾翳長袖即浴神  
賦陽輕桂翳修袖也昌黎豈肯孝人言語亦偶然相類尔  
杜牧之阿房宮賦六王畢四海一蜀山兀阿房出陸倕作  
長城賦云千城絕長城列秦民竭秦君滅倕輩作在牧之  
前則阿房宮賦又是祖長城句法矣牧之云明星熒々開  
粧鏡也綠雲擾々梳曉鬟也渭流張賦棄脂水也烟斜霧  
橫樊榭蘭也雷霆乍驚宮車過也輓々遠听杳不知其所  
之也盛言秦之奢侈揚敬之作華山賦有云見若只  
田千畝矣見若環堵城千雉矣見若括水池百里矣見若  
蠶壹九層矣蜂窠聯々起阿房矣小星焚咸焚咸陽矣  
華山賦杜司徒佑常稱之牧之及佑孫亦是倣敬之所作  
信矣文章不蹈襲為難也



刘义嘲韓退之謾墓豈惟退之哉蔡中郎自謂平生作碑  
惟於郭有道無愧辭則他碑有媿者多矣李北海為諫官  
時面折廷爭是甚 媿其詞翰俱妙碑板滿天下外國至  
持金帛購求及為葉有道碑稱矣其孫景龍觀道士鴻臚  
卿越国公法善為帝傲更作太宗師臺閣名士而為一黃  
冠秉顯揚之筆讀之可法千載一笑思謂自古弼文獲財  
未有如邕之盛豈非法善輦潤筆也使皆為郭泰作碑昌  
黎安得數斤之金北海安得珊瑚鉤麒麟四列與紫駟歛  
凡之玩乎

王宣子之母既葬盜發其塚因剖其棺取其衣物宣子之  
家以聞于官獲其盜曰稽四德者付與獄時紹興研勘斷  
罪免死坐以加役況宣子之弟公襄怨憤不已四德者出  
外公襄携刀密只其所四德雖凶惡一時無備雖起閉竟  
為公襄所斃即具一聞宣子時為吏部侍郎迺乞納出身



誥命以贖公衮之罪朝廷下給舍評訖時揚椿為給事中  
張安國在西掖議以為父母之讐得賊而輒殺之也莫之  
敢殺者謂其有法也獄成而吏出之使賊出入閭里與齊  
民齒為之子者安得者比於人哉公衮之殺賊協於義而  
宜於法也且此賊掘墓至數嘗敗而不死公衮之殺之也  
豈獨直王氏之寃哉是則公衮殺掘塚法應死之人無罪  
佐納官贖弟子請不許許故縱失刑之人宜如律於是公  
衮至降一資而紹吳守以下並坐失出之罪公衮為和州  
烏虹尉揚椿字元老

六十甲子之有納音何也曰此以金木水火土之音而明之  
地一六為水二七為火三八為木四九為金五十為土然  
五行之中惟金木有自然之音水火土必相假而後為音  
蓋水假土火假水土假火故金音四九木音三八水音五  
十火音一六土音二七此不易之論也何以言之甲巳子



午九也乙庚丑未八也丙辛寅申七也丁壬卯酉六也戊  
癸辰戌五也己亥四也甲子乙丑其數三十有四者金  
之音也故曰金戊辰乙巳其數二十有八者木之音也  
故曰木庚午辛未其數三十有二者火也土以爲火音  
故曰土甲申乙酉其數五十者土也水以爲音故曰  
水戊子己丑其數三十有一者水也火以水爲音故曰  
火凡六十皆然此納音之所起也大抵六十甲子歷也納  
音歷律也支干納音之別也此天地自然之數何圖生數  
也生者左旋故以中央之土而生西方之金西方之金而  
生北方之水北方之水而生東方之木東方之木而生南  
方之火南方之火而復生中央之土洛書尅數也尅者又  
轉故以中央之土而尅西北之水北與西北之水而  
尅西與之南西火西與西南之火而尅南與東南之金南  
與東南之金而尅東與東北之木東與東北之木而又尅



中央之主此圖書生剋自然之數也

東坡自謫海南歸人有問其遷謫艱苦者坡答曰此乃骨  
相所招少時入京師有相者云一及季士眼半箇配軍頭  
異日文章雖當知名然有遷徙不測之禍今日悉符其語  
紹興中張九萬以折字說吉凶秦檜一日獨坐書閣召九  
萬至以扇柄就地畫一字問曰如何九萬賀曰相公當加  
官爵檜曰我位為丞相爵為國公復何以加九萬曰土上  
畫一非正而何當享真王之貴其後

竟封郡王又封

申王

翟欽甫金人也衆歛清菴欽甫至衆不之識俾賦清菴欽  
甫故摳起一句云為問青菴何以清衆拍手大笑及賦第  
二句霜天明月照蓬羸衆失色連賦廣寒宮裏琴三弄白  
玉樓頭篴一聲金井玉臺秋水冷石田茅屋暮雲平夜未  
一枕遊仙夢十二堦臺獨自行衆始知為欽甫愧謝延之



上坐

陸放翁為仇曹作碑南園園已為福國之物陸碑仆卧廡  
下

有士人訪一妓与在閩府侍宴候稍久遂賦一詞寄之云  
春風捏就腰兒繫的粉裙扶不起從來只向掌中看恁  
忍在燭花影裏酒紅應是鉛華褪暗感損眉峯双翠夜深  
沾兩鞦韆鞋兒靠苦箇屏風立地詞至為閩帥所見喜其  
詞語清麗明日呼士人來竟以此妓與之

宜春劉才卿叙古今書法源流云黃帝時蒼頡作古文周  
宣王時史籀作大篆李斯損大篆作小篆時始皇好征伐  
法令繁劇軍期嚴速篆字難猝就乃約大小篆歸之於皆  
且稍作波勢謂之隸書欲其省工而便於徒隸佐書也故  
亦曰佐書始皇便行乃及於是又有生次伸以當時自躰  
少波勢乃增之為八分因其自方八分遂以為名漢史遊



復解散隸體而爲章草劉德升破隸躰作行書張伯英變  
行書作大草已上才卿所考訂亦詳矣按藝文志不以小  
篆爲李斯而以爲程邈必亦有據歐陽集古錄跋以隸與  
八分爲一躰趙明誠金石錄云隸書有今之楷書是也亦  
曰正書亦曰真書自唐以前楷字爲隸蓋明誠比今之楷  
字爲隸而以有波勢爲八分余家有漢刻三十冊比其筆  
勢考之可見矣

易安居士李氏趙丞相揆之子韓明誠字德夫才高學博  
近代鮮倫其詩詞行於甚世多嘗見其爲乃父作金石錄  
後序使人嘆息比聞見世間万事真如夢幻泥影而終歸  
於一空而已今錄於此曰右金石錄三十卷者何趙侯德  
夫所著書也取上自三代下及五季鍾鼎獻鬲盤匱尊敦  
之歛識豐碑大碣題人晦士之事跡凡見於金石刻者二  
千卷皆正其偽謬去取褒貶上足以合聖人之道下足以



訂史氏之失者皆具載之可謂多矣嗚呼且王播元載之  
禡畫書與胡椒無異長與元凱之病錢癖與傅辦何殊名  
雖不同其惑一也余建中辛巳始歸趙氏時先君作吏部  
員外郎候年二十一在太孛作孛生趙孛族寒素貧儉每  
朔望謁告出質衣取半千錢步入相國寺市碑文果實歸  
相對展琬咀嚼自謂葛天氏之民也後二年出仕宦便有  
飯瓠衣練窮遐方絕域尽天下古文竒字之志也日就月  
將漸益堆積丞相居政府親舊咸在館閣多有忘詩逸史  
魯壁汲冢所未見之書遂力傳寫寢竟有味不自己後或  
有古今名人書畫三代竒噐亦復脫衣市易嘗記崇寧間  
有人持徐熙牡丹看求錢二十萬當時雖貴家子二十萬  
錢豈易得耶番信宿計無所出而還之夫婦相向壞悵者  
數日後屏居鄉里十年偏取俯拾衣食有餘年守兩郡竭  
俸入比事鉛繫每獲一書即同共是正校勘正集籤題得



書盡昂彛亦摩玩舒卷指隨疵病尽一烛為率故能笔札  
精緻字畫完整冠諸收書家余性偶強記每飯罷坐歸來  
堂烹茶指堆積書史言某事在某書某卷第幾葉第幾行  
此中否角盛負為飲茶先後中則率極太咲至茶傾覆懷  
中及不得飲而歸其心老是鄉矣故雖處憂患因窮而志  
不少緩書既成歸來堂起書大厨簿甲乙置書冊如要講  
讀則請銷上簿閱出卷帙或少損污必懲責措塗完整固  
不復向時之担夷是欲求適以反取謬余性不耐始謀  
食去重肉衣去重采首無明珠翠羽之飭室無塗金刺繡  
之具遇書史百家字百刊缺者本不訛課者輒市之儲作  
副本自來家傳周易左氏傳兩家者流文字寂備于是凡  
案羅列枕藉散堆意會心謀目往神授樂在声色狗馬之  
上至請康丙午歲侯守淄聞金寇犯京師四顧茫然盈箱  
溢篋且恋：且帳：知其必不為已物矣建炎丁未春三



月奔大夫人喪南來既長物不能盡載迺先去書之書大  
去印本者又去畫之多幅者又去古器無款識者後又去  
書之監本者畫之彙常者凡屢減去尚載書十五車至東  
海連艦渡淮及渡江至建康清州凡所謂十餘屋者已化  
爲灰燼矣建言戊申秋九月候起復知建康府己酉春三  
月罷建康吳舟上蕪湖入姑熟將小居顛水上夏五月至  
池陽被旨知湖州過闕上殿遂駐家池家燭赴詔六月十  
二日始負擔捨舟坐岸上着衣巾精神如虎目爛上光射  
人望告中告别食甚意惡呼曰如傳問城中緩急柰何戟  
手遙應曰從衆必不得已先棄輜重次衣袂次書冊次卷  
軸次古器獨所謂宋器者自可抱負與身俱亡矢遂馳馬  
去塗中奔馳冒大暑感疾之行在病疴或熱必服寒藥疾  
可憂遂解舟下二日夜行三百里比至果大服柴胡黃芩  
藥瘳且痢疾危在膏肓余悲泣食皇不忍問後事八月十



七日遂不起取筆而作詩絕筆而終殊無分香賣履之意  
葬畢顧四維無所之朝廷已分遣六宮又傳江湖當禁渡  
時猶有書二万卷金石刻二千卷器四裊褥可待百客他  
常長物稱是余又有大病僅存喘息事勢曰迫念侯有妹  
婿仕兵部侍郎從衛在洪州遂遣二故吏先部送行李往  
投之冬十二月金寇陷洪州遂進棄所謂連艦渡江之書  
又散為雲烟矣獨餘少輕小卷軸書帖寫本李杜韓柳集  
世說鹽鐵論漢唐石刻副本十卷三代鼎彝十餘事南唐  
寫本書數篋偶病中把玩搬在卧内者蕪然獨存上江既  
不可往又虜勢叵測有第仕勅局剛定官遂往依之到台  
守已遁之唼在陸又棄衣被走黃岩崖舟入海奔赴行在  
時駐驛章安從御舟岸道之温又之越庚戌十二月放散  
百官遂之衢紹興辛亥春三月復赴越壬子又赴抗先侯  
亟時又張飛卿李士携玉壺通示侯便携去其實珉也不



知何人傳道遂妄言有頒金之詔或傳亦有密論列者余  
大惶怖不敢言遂尽將家中所有銅器等物欲去外廷投  
進到越已移幸四明不敢流家中并寫本書寄嵯縣後官  
軍收叛卒取閱尽入故李將軍家所謂巋然独存者無慮  
十去五六矣惟有書畫研墨可五七盞更不忍置也所常  
在卧榻所手自闔開在會稽卜居上民鍾氏舍忽一夕空  
辟負五盞去矣悲慟不已重立賞收贖後二日隣人鍾浩  
出十八軸永賞故知其盜不遠矣萬計求之其餘遂不可  
出今知尽為吳說運使賤價者之所謂巋然独存者十去  
九八所有一二零賤不能部秩書冊數種手書帖猶愛惜  
如獲頭目何愚也耶忽閱此書如見故人因憶侯在東萊  
靜治堂裝標初就芸籤縹帶來十卷為一帙每日晚吏散  
輒較二卷此二十卷有題跋者五百二卷耳今手澤如新  
而墓木已拱悲夫昔蕭繹江陵陷沒不惜國亡而<sup>惜</sup>毀裂書



畫揚廣江都傾滅不悲身死而復取圖書豈人性之所嗜  
生死不能亡之矣或者天意<sup>以</sup>予菲薄而不足以享此尤  
物耶抑亦死者有知<sup>尤</sup>斤斤愛惜不肯留在人間耶何得  
之難而失之<sup>易</sup>也嗚呼余自出陸機作賦之二年之遽伯  
玉知非之兩歲三十四年之間憂患得失何其多也然有  
有必有無有聚必有散理之常也人之亡而人得之又胡足  
道所以區區記其終始者亦欲為後世好古博雅之戒云  
紹興四年玄墨然壯月朔甲寅日易常堂題

有士人求見韓魏公說親喪二女未嫁願有以周之公退  
顧無所有為之戚然夫人收酒器得一大合送之士人對  
使者曰相公何薄我也<sup>吒</sup>不受公曰吾固疑甚薄也復裒  
一合送之士人又怒罵不受使者曰相公實無所有非薄  
君也士人不願使者持回公又裒一合以往士人咲以書  
授使者曰吾事已办不願受也何未益又觀公度量耳



簡池劉光祖號後溪朱文公高第平生好施不顧家有無  
未謁者周皆之一日成坐煖閣夫人方梳沐有舊友來訪  
公令夫人出閣延士人者進夫人遂挈裝具偶遺金釵一  
公適起入內夫人從窓隙中見士人拾所遺釵入懷未穩  
公將出夫人掣公衣袖止之少頃公乃出客退問其故夫  
人曰偶遺小釵彼方收拾未穩士人以貧得之可少濟不  
欲遽恐之公與夫人俱賢如此

有士人屢作韓魏公書謁蔡君謨蔡雖疑之然士頗豪與  
之三千緡因回書遣四兵送之併致果物於魏公客至京  
謁公曰某以貧故輒屢公書見蔡端明明且有回書并果  
物令某面致某死罪公徐曰君謨手段小此恐未足以了  
公事夏太尉在長安可往見之為之治書子弟請曰士為  
屢書大人容之善矣長安之書無亦可以也公曰士能為我  
書又能動君謨其才器亦不凡矣至閩中夏竟官之蓋書



中所屬者如此

道禁嘗宴於竟中樞桐花盛開問左右曰何以為比衆不知所對上曰可賜名珊瑚林



退齋雅聞錄 一卷

宋候延慶

号退齋居士字季長

宋郊改名彛

宋呂公初名郊在翰苑上有意大用為同列所譖言姓名之織不利國家上賜名彛公因有詩云紙尾何勞姓字名禁林依舊接群英歎知七畧稱臣何便是當時刘更生

蠟炬

張芸叟初左迁集見女把酒芸叟有慨然不樂之意命各探坐中物賦詩一女賦納炬云尊前獨垂淚應為未灰心盖以諷也芸叟稱之

轉食藥方

衡陽試院中同官趙傳霖傳轉食藥方以巴豆一粒同枳殼一枚切作兩片去攘內巴豆一麻皮擊合不拘多少水調令枳殼軟爛只去巴豆倍乾枳殼為末越糊為丸如相子大食後熱水下十五丸老少皆可服



治暴吐血方

孫紹先傳治暴吐血方急以竹子去屋簷頭取蜘蛛網搓成丸子用米飲下一服立止

梅花詩

蔡載天任賦梅花落句云應有化人巢木末枝間一國自行春其真搜如此

題唐書詩

予與戶東珣溫叔同考信德府進士溫叔言頃在都下市書處見要寫本唐詩節要一冊後題一絕云可原不可生強盜道穩生不可除一盜既除群盜起功臣都是盜根株竟不知誰所作

輒雨

河朔人謂清明雨為潑火雨立夏為隔輒雨

農語



秦晉間農夫語小麦者大秀早殺豌豆花植穀拖立秀爛  
起田中瓜

瑞香花

瑞香花種出江州廬山今長沙競種成俗一株有至百千  
花者最忌麝或佩麝觸之花輒萎死惟穎淪茶灌其根不  
為虫所蝕

江村初雪看詩

章子厚題李邦直家江村初雪看詩云江頭微雪北風急  
憶泊武昌洲尾時潮來浪打舡欲破擁被醉眠人不知

羅浮山隱者詩

羅浮山有隱者自謂黃剋野人或云李洞賓之流嘗題詩  
山間云雲來萬山動雲去山色長嘯兩三声天高秋月白

道宗詩

劉拱未遠宣和初時祁州長接伴北使有李處能者北韓



故相李之子魏李扶元家燕人之撮以文孝著者處能  
謂遠曰本朝道皇帝好文先人昔荷寵異嘗於九日進  
菊花賦次日賜批吞一絕句云昨日吟卿菊花賦碎剪金  
英作佳句至今襟袖有餘香冷落秋風吹不去



墓誌

建炎二年歲在戊申揚淵守吉州是年車駕駐蹕維揚江南諸郡日虞金人深入淵時脩城得銅鑄於城隅其上有文云唐京兆季愛子謨誌唐貞元初仲卷中己日吾季愛子後築於廬陵殞於西壘之顛吾時司天文照政令晦朔康定之始未歆塋於它山就瘞於西壘之垠吾卜茲土後當大德五九之間是衰道敗浙梁相繼喪亂之時章貢康昌之日復上是壘吾亦復出是邦東平鳩工決便使吾愛之骨得同河洎聽命于水府矣京兆逸翁深甫記淵方具版築未成明年金人犯維揚車駕幸浙東金人遂渡江分兩路一犯明越車駕登海舟駐永嘉一犯洪吉太母保章貢淵失守旣守兵火不知鍾所在癸丑呂源來守下車即修城不數月壁壘皆立東平鳩工之言亦驗云銅鍾之銘



得之刘間

僧化成課命

元豐中王荊公曰乞罷機政寓於刘沆相宅幾兩月神宗未許其去沆之子瑄常謁公坐間問公云化成作處在迺可令呼來化成者工課命老僧老也少頃化成至公作一聞信果更為看命化成曰三十年前與相公看命今任至宰相矣更復何問公微作色曰安石間也又不待做官但力乞去上末許只看旦夕便去後否化成曰相公得意濃時正好休去在相公不在上不疑何卜公悵然難歎服去意遂决

瑄之子們云

神宗時以陝西用兵失剗内批出令斬一漕臣明日宰相蔡確奏事上曰昨日批出斬某人已行否確曰方欲奏知上曰此人何疑確曰祖宗以來未嘗殺士人等臣不欲自陞下始上况吟久之曰可與剗面配遠合慶門下侍郎章



惇曰如此即不若殺之上曰何故曰士可殺不可辱上声色俱厲曰決以事要做不得一件惇曰如此決意事不做得也好呂源云

### 蘇軾奏章

蔡確之子懋宣和末為同知樞密院事因奏事言及確南遷是事雲蘇軾有章救臣確家臣常傳錄因袖出出章進上皇云蘇軾無此章軾在哲宗朝所上章哲以以一旋風冊子手自錄次今在宮中無此章此懋悵然而退鄭望之云



此頁文字極其模糊，似有「...」等字樣，但無法辨識其具體內容。



過庭錄

宋樓昉

字賜叔号迂齋四明人端平初贈直龍圖

作文用虛字

文字之妙只在幾箇助辭虛字上看柳子厚荅韋中立嚴厚輿二書便得此法助辭虛字是過接幹旋千轉不化處

古人用自

古人明用自不如暗用前代故事實說不如虛說五行家之言以為明合不如暗合拱實不如拱虛知此說可以悟作文之法有一朋友聞之擊節

諸家文章

予嘗欲諸韓退之荅張籍李翔柳子厚荅韋中立老蘇上田樞密子由上韓太尉書魯南豐荅王介甫書成後山荅陳少游書與前輩諸公允論丈處別作一冊寫出類聚觀之不特可見各人自有法度以可見各人自有工夫此與親承面命有何異哉



柳文李國語

柳子厚文字多李國語却着非國語論若干篇豈私其所自得而諱其所從來耶至荅韋中立書則云參之國語以著其潔又云左無明太史公國語可入出此却是子厚自瞞不得處不覓說出亦可見其天資刻薄

太史公有俠氣

太史公作蘇秦張儀范雎荆軻傳分別精神蓋子長胸中有許多俠氣所謂爬着他癢處若使之作董仲舒等傳則必不遠矣其非當行也

王蠋無傳

王蠋義不比面於燕非戰國士也太史公不自為立傳僅以附之田單傳末子長自有深意單之勝因蠋之死也

太史公逾諱

太史公云同子驂象表絲色變同子趙談也顏師古注可



考蓋以父名談故也近見王名清揮塵錄字刘摯莘老為  
同老王之大父名華字樂道本太史公舊也史丞相本字  
光叔壻五夫潘氏潘又李叅政秦去壻也於稱謂不便故  
以同叔易之此惟潘李可稱耳予故與朋舊問明字偶与  
祖考相配者槩可以同字稱人徃七詰於不知固有所本  
云

太史公筆力

太史公筆力豪放而語激壯頓挫如所謂長袖善舞多才  
善賈女無美惡入宮見妬士無賢不肖入朝見嫉等語皆  
切近端的贊尤奇屈原賈誼荆軻兩贊尚當為第一讀之  
使人鼓舞痛快而繼之以法然泣下也韓退之毛穎傳  
贊可繼其後

晉問

柳河東晉問鄴目凡八先說山河次說兵器次說馬次說



木次說魚豔次說晉羈末乃歸之唐堯遺風一節高如一  
節而吳武陵之說自癢蓋子厚先有寂後一節前面只是  
布置敷衍旋与引入壁人鬻珎噐重宝終不成總有人求  
看便把第一寂好者示人者也須從平常之物旋與之看  
却到珎其竒之物自然惟喜贊嘆役之觀漸異則吾之宝  
漸重前人常謂作文字須番寂好者在後面呂大史亦云  
文章結尾如散場後底板苦好者相排鋪在前面後面只  
平結果則無可咲者矣

### 文字

予少時每特非聖賢之書不敢觀之說它書未嘗掛眼有  
一朋友謂某曰天下惟一種刻簿人善作文字後因閱戰  
國策韓非子呂氏春秋方悟此法蓋摸此物態考核事情  
幾於文致傳會操功者之所謂非精密者不能到使和緩  
長後者多何為之則平允矣若刻簿之事自不可為刻簿



之念自不可作亦先有六經孔孟義理之說先入而為之  
主則有家之書反為我後而不能為我害矣此須魯男子  
乃能孿不然癡人面前不可說夢也

四六

前輩評四六謂經句對經句子句對子句史句對史句詩  
句對詩句最為的當且於躰製諧協以予觀之苦書句自  
對書句之類尤佳六經循環自相對之若不得已以史句  
分曉處對此句或經句亦不柰何大要主於縷貫脉聯文  
從自煩而已不必太拘如在武丁時封作召公考惟汝一  
聽對于今三年天維顛應對民亦勞止亦能奮庸對爰立  
作相經營四方對飲御諸友之類固是天造地設若畱萬  
人留田對三事就緒不免以史句對經句緣有氣力所以  
不覺若獨有天幸對不自意全以詩句對史句則尤妙古  
人詩句亦有可用之於素啓者若用之於制誥則不尊嚴



不可不知聞禘間有以家世平章軍國者遇宗祀予為代  
作家恩制未聯云伊且格于天伊不格于帝既助予克享  
之誠巫咸義王家巫賢義有殷尚勉爾交脩之誼蓋四人  
家世輔相格天地施之於郊祀禮成之後佗更自親切耳



說郭卷第

投轄錄

一身

宋王明清

字冲言  
汝陰人

迅雷倏電劇雨颶風波濤噴激蛟龍蛇見亦可惟之恠  
矣以其有目所覲久以為常故弗之鬼神之情狀若石  
言于晋神隆于野齊桓之疾彭生之厉存之書傳以為  
不然乎齊諧志惟由右及今無慮千帙僕少年時性所  
嗜讀家箴日覽鱗集麈至十踰六七間有以新竒事相  
告者思欲識之以續前聞因仍未能屬者屏迹杜門居  
多暇日記憶曩歲之所剽竊遺忘之餘僅存數十事筆  
之簡編因念悟言一室親友情話夜漏既深互談所觀  
皆側耳聳听使婦輩歛足稚子不敢左顧童子顏變于  
外則坐客愈欣怡忘倦神躍色揚不待投轄自然肯留  
故命以為名後之與僕同志者當知所言之不誣紹興  
己卯十月朔且序



蓬萊三山

祥符中封禪事竣宰執封于後殿真宗曰治平無事久欲  
與卿等遊一二處未能今日可矣遂引群公及內侍數人  
入一小殿之後有假山甚高山面有洞上既先入復招群  
公從行初覓甚暗行數十步則天宇豁然千峯百嶂雜花  
流水盡天下之偉觀少焉至一所重樓復閣金碧照光有  
二道士兒亦竒古耒揖上執禮甚恭上亦答之良厚邀上  
至席上再三遜謝然後坐群臣再拜居道士之次所論皆  
玄妙之旨而散醴之屬又非人間所見也鳶鷁舞于庭笙  
簫振林木至夕而罷道士送上出門而別曰万幾之暇無  
惜與諸公頻見過也復由舊路以歸臣下因以請于上上  
曰此道家所謂蓬萊三山者也群臣自失者累日後亦不  
復再往不知何術以致之此于祖父聞于歐陽文忠公云



章丞相初未京師年少美風姿當日晚独步禁街觀車數  
乘輿衛甚嚴最後轅者一婦人美而艷揭簾自逆承相因  
信不隨之不竟至夕婦人以手招承相遂車輿至拱載之  
一甲席甚雄壯婦人始至備酒饌之屬亦珍甚丞相因問  
其所婦人咲而不荅自是婦引侷類輩迭相徃來甚衆且  
俱妹鹿詢之皆不顧而言他每去則又以巨鎖扃之如是  
累日夕丞相体為之弊意甚彷徨一姬年差長忽發問曰  
此豈即所遊之地何為至此耶我之主翁行迹多不循道  
理寵婢多嗣息每鈞致年少之徒與軍妾合久則斃之此  
地允數人笑丞相惶駭曰果尔為之奈何姬曰觀字之容  
非碌：者似又能脱生翁翌日入朝甚早今夕解我之衣  
以衣子且不復所子門候至五鼓吾將去呼子与亟隨我  
登所事我當以廝役之服披子隨前騶以出可以無患矣  
尔後慎勿以語人亦不復由此街不然吾典若彼此禍不



旋踵笑詰旦果來扣戶丞相用其術免于難丞相既貴猶以語族中所厚善者云後得其主翁之姓名但不欲曉於人耳

毛女

李平仲云蔡元長自安場鎮西川道出華山日聞毛女之異默祈一見旬晚從者見岳窟燒紙錢爐中有物甚異以告元長亟往視之乃一婦人也遍身皆毛色如緝碧而髮若漆目光射人顧元長曰万不為有餘一不為不足言訖而去其疾如飛既至成都命追寫其象以祀之元長親語先太史如此并摸其像見遺

筭術

呂源子原守吉州日嘗令脩城掘一旧棺既舁置江中始得石誌於傍乃昔人父葬其子者其畧曰後十六甲子東平公守此群吾見當出而從何伯之游矣筭術之精有如



此者又知夫世事莫非前定也

負暄雜錄 四卷

宋顧文薦

字伯宰号蘭谷  
卷翁崑山人

武王伐紂

禮記云文王謂武王曰汝何夢矣對曰夢帝與我九齡文  
王曰汝以為何也武王曰西方有九國君王終撫諸文王  
曰非也古者齒謂年齡亦令矣我白你九十年吾與汝三  
焉文王九十七而終武王九十三而終以應夢帝與我九  
齡之數史記書武王在位三年而崩則是九十歲時方與  
吊代之師太公望伏黃鉞斬妲己亦是踰八望九矣君  
臣之間各已老成作此不韙之事恐勢使然耳李太伯不  
喜孟子謂孔子教人尊王孟子教人為王齊宣王問孟子  
曰湯放桀武王伐紂臣弑其君可乎曰賊仁者謂之賊



義者謂之殘、賊之人謂之一夫聞誅一夫紂矣來聞弑  
君也若孟子只以應天順人之說對之則可豈當如此言  
哉使人為不道矣故前輩謂孟子非賢人宜乎旰江終身  
不讀也韓文公作伯夷頌無一語及武王未復古云雖然  
微二子則亂臣賊子接迹子後世矣其罪武王如刀鋸斧  
鉞之加凜然可畏而畧不露鋒銛真得筆削之躰者也

### 馮道

世譏馮道事四朝十一帝不能死節致其所言所行未嘗  
詭道免於亂世蓋天幸尔石晉之末與虜結讐無敢奉使  
者少主批令宰相擇人道批奏云臣道自去奉朝失色皆  
謂其墮於虎口道竟生還初郭威遣道迂湘陰道曰不知  
此事由衷否道平生不曾妄語又周世宗欲收河東自謂  
此行若太山壓卵道曰不知陛下做得山否凡此皆推誠  
委命未嘗顧避衣阿也又虜主問萬姓紛紛何人救得道



發一言以對不啻活生靈有萬俗人徒見道之跡不知道之心富文忠論道之為人曰此孟子所謂大人也王荆公論馮道能屈身安人如諸佛菩薩之行唐介曰道為宰相使天下易四姓身事土主謂為純臣乎安石曰伊尹五就湯五就桀正在安人而已介曰有伊尹之志則可荆公變色趙鳳女嫁道子夫人掌怒之鳳使乎溫訴之累有言道但云傳語親家翁今日好雪愚觀此老無他只是得一忍耐字真所謂痴頑老子也

傀儡

傀儡子起於漢祖平城之圍陳平造木偶人運機關舞埤間闕氏盟見謂是生人慮冒頰必納之遂退軍史家但云祕計鄙其策下耳本朝王紹開熙河之後亦以舞逐鼓使諸羗出觀遂破鬼章此兩得以為策也今元宵舞者是遣製然舞者乃樂之容有大垂手小垂手字舞花舞馬舞



或象驚鴻或如飛燕婁婆舞態也曼延舞綴也有健舞軟舞五曲有綠腰蘇合香屈拓胡消州圍乳旋井州等字舞以身西地布成字也今慶壽錫宴排場作天下太平字者是也花舞者着錄衣偃身合成花即今拓枝舞有花心者是也馬舞者以攏馬人着彩紵執鞭於座上舞躑躅皆應節奏唐宴吐審蹠馬之戲皆五色彩絲金具裝於鞍上加麟首鳳翅樂作馬皆隨音蹠足宛轉中節胡人人駭明皇之舞馬亦其遺章耳

### 避諱

物以避諱相傳已及今姑彙其數端如石晉許敬洎鏡者用鉄牌本朝避太祖諱以香仰字近之乃改鳴鑼山藥本名薯蕷避唐代帝諱豫改名薯葉宋避英宗諱遂名山香藥炊餅本名蒸餅避仁宗諱改南唐李主諱烜改鸛鴒為八<sub>王</sub>殘<sub>王</sub>諱鏐改石榴為金櫻至今吳中金刘二姓不可



辨皆此類也

明妃曲

明妃曲見於篇詠者多劉屏山云羞貌丹青閉麗顏為君  
一咲定天山西京自有麒麟閣曷何功臣衛霍間語意不  
蹈襲許梅屋云漢官眉臉息邊塵切壓貌貅千万人好把  
深閨旧脂粉艷收顏色上麒麟玉金陵則不然有雲漢曰  
自淺胡自深入生藥在相知心此只見其心術也柯東海  
又可發突云龍首山頭桑苧翁謂漢元帝不識美色乃一  
桑苧翁耳

琉璃

西京雜記載漢武帝以白光琉璃為鞍暗室照十餘文如  
晝此琉璃乃自然之物光彩潤澤踰於車玉其色不常乃  
真琉璃也佛書謂車渠琉璃用以布地言其廣大恐未必  
然今是率以石汁消治車渠灌成之蓋始於月氏國元魏



時來貢今北方市不多見惟大食高麗有之青曰紫錄皆  
塗以金翠輝耀灼爛蔡京嘗以大食琉璃酒器獻淵聖特  
在東宮劫而不受蓋已感於宣政矣予得一甌以銅為胚  
胎傳之一革外為觚觥彩繪外國之人竒刑詭狀却以琉  
璃壓之極其工巧不知何物聞是罽賓國佛更當賞於博  
識者

### 鹽

鹽有五色青黃赤白黑又有紫鹽道書所謂戎鹽墨邠者  
是也按郭璞鹽池賦云爛然溪明燦尔霞赤則是赤鹽者  
李太白詩客到但知留一醉盤中祇有水晶鹽又東坡水  
晶言為誰鉗金接子田胡中有鹽瑩如水晶謂之王華鹽  
又南史日氏恒水下有鹽色正白朝取墓生非煮海也東  
坡詩絲与青子落紅鹽則恩州聞鹽如絳雪或謂煎染而  
琴者又琴湖池中有挑花鹽色如挑花若有鹽所謂螳螂



頭鹽入藥可用也蔡邕投羊曰書云幸得無恙遂至徒所  
自城以西惟有紫鹽也續漢書云天竺可出黑鹽黃鹽安  
西城北澗中有側鹽之所產悉在外夷惟清真詞云矣  
鹽勝雪今四明諸場多有之獨此是中國之白鹽爾

世說蔡倫造紙倫乃後漢和帝元興年中常侍也嘗搗故  
魚網作紙三輔故事云衛太子以紙蔽鼻前漢已有之又  
和熹鄧太后貢獻悉斷歲時但貢紙筆而已蓋紙日亦有  
之特蔡倫喜造爾非創也唐中國紙朱備多取於外夷故  
唐人詩中多用焉箋字亦有為也高麗歲貢蠶紙書卷多  
用偽襯曰本國出松皮紙有南番出香皮紙色白紋如魚  
子久苧紙以水苧為之明則理紙節道衡詩昔時應春色  
引綠泛青蒲今未承玉管布字轉銀鈞久扶桑國出發音  
皮紙金中國惟有桑皮紙蜀中藤紙曰中褚紙江南褚皮



紙南唐以徽紙作澄心堂紙得名若蜀箋皆染搗而成蜀箋重厚不佳今吳牋為勝

### 玻璃

玻璃與琉璃同類亦分五色比質琉璃其質頗厚亦石汁銷治而成多出西域諸蕃而夏國為最但異於琉璃者有軟玻璃皆有青龍文嘗見齊惠卿家有軟坡琉璃盞通天犀火浣布三物得之廣船近好事家亦有軟坡琉璃隨兒是五代時大秦國未獻蓋被國能造亦是銷治而成見火則溶冷則凝結世不多見李賀詩義和敲月坡琉璃聲乃形容耳非真成聲也併及此以資笑噱

### 陶器

陶器自舜時便有三代迄於秦漢所謂甃器是也今土中得者其質渾厚不務色澤末俗尚靡不貴金玉而貴銅磁遂有祕色定器是言錢氏有目日越州燒進不得成庶用



故曰祕色陸龜蒙詩久秋風露越窰開奪得千峯翠色未  
如何中宵盛沆瀣共嵇中散閉遺杯迺知唐世已有非始  
於錢氏本朝以定州白磁器有芒不堪用遂命汝州造青  
窰器河北唐鄧州悉有之汝窰為魁江南則處州龍泉  
縣窰實頗麗厚宣政間京師自置窰燒造名曰官窰中央  
渡江有邵成章稹奉後苑魏邵局故蔡京遺製置窰於修  
內司造青器名曰內窰澄土泥為範極其精緻由色瑩徹  
為是所珍後郊壇下別立新窰亦曰官窰比旧窰大不俾  
矣餘如烏泥窰餘姚窰續窰皆非官窰比若謂舊越窰不  
復見矣

### 荔枝

荔枝蜀廣俱有之今惟閩中者為貴蓋也處實雖佳而不  
可間獨閩中者可乾漢西京雜記載尉陀獻高祖龍眼樹  
即今之協枝也唐天室中楊貴妃愛食之置傳送唐都長



安云閩廣甚遠其荔枝乃蜀中涪凌所貢實小而味酸與  
廣閩不同今荔枝已載蔡公之譜莆為勝閩次之廣又次  
之而廣產甚多五月即有炎山者見熱高梧州有無核荔  
枝南漢劉張每歲設紅雲宴則窻戶四壁悉皆荔枝望之  
如紅雲然宣和殿前亦有荔枝四株結實甚夥衛洪七開  
曰莆挑龍目椰子欏枝却書此字

### 青門瓜

漢成陽宮第三門本名霸門民見門青色遂名青門以  
出好瓜邵平種瓜此門甚矣唐廣明中巢寇犯闕僖宗幸  
蜀關中道傍之瓜悉皆萎瓜殆不可曉徐攷之蓋宮嬪多  
帶麝囊瓜為麝香所薰遂皆萎落尔

### 蜚燕

世說海外有燕子國秋社而去春仲復來詩謂玄鳥軋也  
春分玄鳥之按晉郗監為兗州刺史鎮鄆山百姓飢饉掘



野鼠螿燕而食之本朝京東開河岸崩見螿燕無數予少年時臘中欲伐薪近岸古柳方施斧將斷見有螿燕一窩大如斗各相御負始信燕亦按時螿驚節氣而出度海之說鳥衣之事附會為之爾

### 炙臬

莊子曰見彈求臬炙又按漢史東郡送臬五月五日作臬美賜百官是欲滅其族非為其美也又淮南万畢術說甌瓦上臬鳴取破甌向臬抵之輒自止也蓋臬之物物不詳甚矣今人家有飛入者必有咎康駢劇談錄載常顯臬鳴旅舍獲登科第鄧艾臬鳴牙旗迺勝之兆張率更聞于庭樹而受官以此推之未必皆不為吉世以鵬至臬鳴不詳觀此則又不然也

### 玉禪

珠襦玉禪東園祕器此漢世侯王之葬具也董賢死哀帝



賜之陳德公一日以片玉示予方正而狹長五六寸中有  
圓竅古而潤扣手曰何物予曰恐是漢之玉神尔蓋玉神  
以玉琢方片中貫以鉄排最于棺用以藉屍者德公首肯  
之予後得方玉無竅上有古篆四字不可識四傍有中小  
孔是亦玉神之一也

### 御史

侍御史考雜端最爲雜劇臺中會聚則於座南設橫榻考  
南床又曰癡床言登此牀者倨傲如痴又唐封演見聞記  
言御史旧例初入臺陪直二十五日為伏約取不出之義  
謂之豹在賈忠言撰御史木州以裒行爲合口椒言微毒  
殿中爲蘿蔔侍御爲脆梨言漸入佳味迂南省考甘草言  
可以久安也見御史臺記

### 黃河水名

黃河水每各有名正月名凌解水二月三月名桃花水



四月名麥黃水五月名瓜蔓水六月名樊山水七月八月  
名荻苗水九月名登高水十月名復槽水謂水落復故道  
也十一月十二月名感凌水冰斷結感起成層也見水衡  
志

### 房長

婢妾年遠而位高者曰房長今得兩字左新奇按王子年  
拾遺記載石季倫有妾名翔風及色哀為房老

### 火宅僧

唐鄭熊房禹雜記在廣中僧有室家者謂之火宅僧京師  
火相國寺僧有妻則曰梵嫂見於異錄

### 聯句

聯句自唐之有若與座客聯句則互送為煩擾段成式序  
陵官下記載取班竹以白金踏青如茶莢以迓送聯句謂  
之句枝或角競也押惡字成煎甌茶為八韻詩皆謂之雜聯



若志於不朽則汰去容揀穩韻無所得輒已謂之若聯句  
句共押平声好韻不僻者書于竹筒謂之韻牒

宋吳標致

宋子京晚年知成都帶唐書於本任刊脩每宴罷閉寢門  
垂簾燃二 滕婢夾侍和墨 觀者皆知尚書脩唐  
書望之如神仙吳元中居翰苑每早制誥則使婢遠山磨  
墨運筆措詞宛若看盃二公俱有標致者也

趙廣潘高

龍眠李伯時繪事妙絕有趙廣合肥人吏役左右頗得筆  
法盃馬逼真後陷虜令其作盃辭以不能遂斷其右指蓋  
廣平措左手執筆後亦多作觀音像今收伯時本多是廣  
筆近彙齊趙子周以水仙蘭蕙得名小吏潘嵩微其作并字  
畫皆極類所謂性相近也積習而成王右軍言已苦小兒  
輩亂真東坡詩家雞野子同登俎誠哉言也



建茶品第

唐陸羽茶經裴汶茶述皆不第建品說者但謂二字未嘗至閩而不知物之發也固自有時皆昔者山川尚闕烹宰未露至于唐末然後北苑出為之最時為蜀毛天錫作茶譜始言建有紫筍而蠟面乃至產于五代之季建屬南唐歲率諸州氏採茶北苑初造研膏繼造蠟面既又製其佳者号京銚本明開宝未下南唐太平興國初時置龍鳳模遣使即北苑團茶以別庶飲龍鳳茶蓋始於此又一種茶叢生石崖枝葉尤茂至道初有詔造之別号石乳又一種号的乳又一種号自乳自龍鳳与京石的白團種始出而蠟面降為下矣蓋龍鳳等茶皆太宗朝所置至咸平初丁晉公漕開始載之於茶錄慶曆中蔡君謨轉漕創造小龍團以進被止仍歲貢之自小團出而龍鳳遂為次矣元豐間有旨造密雲龍其品又加於小團之上紹聖間改為瑞



雲翔鳳太觀初徽宗親製茶論二十篇以白茶者与常茶  
不同偶然生出非人力可致於是白茶遂為第一又製三  
色細芽及試新鑄貢新鑄自三色細芽出而瑞雲翔鳳願  
居下矣凡茶芽數品最上曰小字如省舌鷹爪以其致直  
纖銳故号芽茶次日中芽乃一芽帶一葉者号一鎗一旗  
人次曰紫芽一芽帶兩葉者号雨旗一鎗其帶三葉四紫  
者皆老矣芽茶草春極少景德中建守周絳為補茶經言  
芽茶只作早茶駝奉方乘甯之可笑若一旗一鎗可謂奇  
茶也故一鎗一旗号挽芽最為挺時王金陵送人長闌諸  
云新茗齊中試一旗揀芽也宣和庚子歲漕臣鄭可問始  
創為銀線水芽蓋將已揀熟茶再剔去抵取其心如線一  
縷用珍噐貯清泉漬之光瑩如銀線用以製新袴有小龍  
蛇蜒其上号能團勝雪又癢白的石三孔鼎造卷鑄二十  
鏐色初公茶皆入龍腦至是慮奪真味始不用焉蓋茶之



妙至勝雪極矣為今為寇然猶在白荼之次者以白茶上所好也黃繼儒撰品茶要錄極稱當時灵芽之富謂使陸羽教子見之人爽然自失矣其茶歲分十餘網白茶与勝雪自驚蟄後與役浹日乃成飛騎疾馳至中都不出中春已至號為頭網玉芽以下先後而發建至京夏過半矣歐陽公詩云建安三千五百里京師三甞新茶盖御茶團自九窠十二籠至小山凡四十六所惟龍游窠小告竹張坑西際又為禁園之先也此熊蕃叙錄及諸家記採其說云

### 碑碣

墓有碑碣永詳所起按儀礼庙中有碑所以繫牲并視日景礼記公室視豐碑三家視桓楹天子諸侯葬時下之棺之挂其上有孔以大絳索貫棺而下取其安審事畢因閉壙中臣子或書君父勲伐於碑上後人立隧口故謂之師道碑言神灵之道也今古碑上往往有孔者皆貫索之遺



像前漢碑極少後漢蔡邕崔瑗之徒多為人立碑魏晉之  
後其沉浸盛碣亦碑之類也周禮凡金玉錫石揭傑音掇代  
於瘞處而書死者之姓名獨立揭然則物有標榜皆謂之  
揭郭景純江賦雲峨崑為泉陽之揭王墨作東別之標其  
字本從木後人以石為墓碣因時從石說文曰碣特立石  
也擬此則從木從石兩体皆通隋氏之制五品以上碣螭  
首龜趺上不得過四尺近大碑碣稍衆有力者多輦金帛  
以祈作者之諛蔡邕則云吾於人作碑多矣蜀於郭有道  
無塊墮文帝子齊王攸薨僚佐請立碑帝曰欲求名只一  
卷定書足矣不能為後人作鎮石尔唐則甚盛李北海以  
此得閏筆金帛駢羅侈甚該諛墓之物韓退之亦不免焉  
本朝惟東坡独能守之所作上司馬溫公上蜀公等六碑  
尔



刑州內丘縣西古中丘城寺有碑乃後趙石勒光初五年  
所立也碑云太和尚佛圖澄者乃天竺大國附賓小王之  
元子本姓濕以所言濕者思潤理國澤被西方是以濕為  
姓按高僧傳并晉書藝書傳佛圖澄並無姓今云姓濕亦  
異聞也

性嗜

世之嗜欲一行殊性前聞楚王嗜芥文王嗜菖歎屈到嗜  
艾魯哲嗜羊棗此見於傳記者多矣近世讀溫飛卿乾  
子載宋劉雍嗜瘡疥雍往詣吳興太守虛休休脫襪粘痂  
加音落地雍俯取而食之宋明帝嗜鱖鯪一食數升故劔南  
節度鮮于叔明好食臭虫時人謂之蟪虫每衙散令人採  
拾得三五升即浮于微熱水上洩其氣候氣尽以酥及五  
味煎熬卷餅而食之云其味甚佳又長慶末前知福建院  
權長孺犯事流滯廣陵日多賓僚相見辭之將赴闕求官



臨行辟公餞飲於禪智精舍有狂士蔣傳知長孺有嗜人  
介之癖乃於健步及諸傭保處得介甚多洗濯既淨以紙  
裹候長孺酒酣進曰時御遠行必有佳味獻進遂以所裹  
人介奉上長孺視之欣然如獲千金饒延流吻連撮啖之  
甚厭愜思欲神色自得合生大驚蓋性之所嗜自不覺其  
穢汚也

### 饅頭

湯餅唐人謂之不托今曰餽飪晉束皙餅賦有饅頭薄特  
起溲牢九今唯饅頭名存而起溲牢九莫曉何物薄特苟  
昏即薄液亦何知何物今涼師餅名溲脫者恐亦所自也  
饅亦擣作

### 梨實

梨實脆美北方者為最所謂女兒梨鳳栖梨金鳳梨最佳  
者鵝梨江南所產人不及但多食則傷日月氣故陶穀清



異錄載曰百益經梨曰百損黃梨所益者惟齒耳予觀湘山野錄謂李迂勲罷相出鎮豫章一日遊西山因問茅舍有老叟教數村童公觴于其庐連食數梨賓僚有曰梨号五臟刀斧不宜多食叟曰鶻冠子五臟刀斧乃離別之離非謂梨也盖別離則殘賤胸懷有若刀斧就加取一小用以呈亟相乃鶻冠也公大嘆服音揚吉志在泗州以醫得名忽有人到門求診視者楊輿按詠曰君来年當以疴毒死人氣血凝結無可解者沉思久之曰惟有鵝梨尔可徃京師多買鵝梨詩若無生梨以梨乾煎汗飲并食其滓候来春當復訪我其人如教至期再徃診脉曰病已去矣恐渴作若能更食則可安後果如其言是言知梨亦能氣血凝滯之疾不可以一槩論謂之百損黃也

治瘟疫

孔平仲云邪氣氛氲未嘗無所以古宣聖軫念世人焉不



忍之心設此術以溥濟生靈避凶趨吉不致夭橫孔氏經  
今七十余代用之未嘗有疾患其法每於臘月二十日更  
汲井華水平旦第一汲者盛淨器中量人口多少浸乳香  
至歲旦五更令溫從小至大海人以乳香一小塊飲水三  
呷嚙下則一年不患時疫矣

唐諸宋詩

唐張謂編諸家詩人作主客圖以白居易為黃大教化主  
人入室則揚秉入室張祐羊士諤元稹升堂則盧仝顧况  
沈亞之及門則賈冠鄉皇甫松殷堯潘施肩吾周元範祝  
元膺徐凝朱可久童翰鄉以陳標以蓋雲鄉為高古奧逸  
主上入室則韋應物入室則李賀社牧李餘劉孟李涉胡  
凶爽升堂則李觀賈駉李宣古曹鄴劉駕孟遲及門則陳  
陶韋楚老以李益為清奇雅正主上入室則蘇郁入室則  
劉略僧清塞盧休于鵠揚洵美張籍揚巨源揚敬之僧無



可姚合升堂則方干馬任蕃賈島庠玄項斯薛濤及五門  
則僧良入潘誠于武陵唐雄衛準僧志定喻龜朱慶餘以  
孟郊為清竒僻苦主上人室無入室則存陳周朴升堂無  
及門則劉得仁李漁以鮑溶為博雅宥放主上入室則李  
郡王劉禹錫而室則趙嘏長孫佐輔曹唐升堂則李頻陳  
羽許渾張蕭遠反門則張陵章孝標雍陶周繇遠不約各  
有集傳于世間有無間者呂門萊編江西宗派以黃庭堅  
為主亦效作尔

### 石炭

石炭不知起於何時東坡作炭行言其治鉄作兵器七其  
精亦不著起於何時也按前漢地理志豫章郡出石可然  
為薪隋王邵論火事其中有食困於世久天然今西北處  
人有之也

### 李白傲骨



嘗聞李太白腰間有傲骨不能屈折蓋恃其才尔竟以清  
平調詞為揚太真所忌終身不偶遂陷永王之禍卒致采  
石之死今有一等士大夫姓名未高取位未顯則謙和恭  
謹及漸向上傲骨便長与昔迥別視居閑時与居官時如  
兩人焉若能以道眼看破則此類非遠大之器若始終  
不改節也也他日又為名人笑

### 馬殷之與

唐中和三年馬殷為湖南為步軍都指揮使時劉建峯為  
節度使遣殷擊將勛於邵州遇夜不行將曉殷忽觀一人  
黑色面貌甚雄偉手執火捧鞠躬趨進報曰軍國內外平  
安儀而不見由是殷以為嘉兆其心始安乃謂所侍曰吾  
之此行未又不為福及至中果欣躍而奉之殷立且使人  
自間道上表僖宗在蜀聞甚感悅據其表道使朱書銜禮  
許自開国立臺置鄉相分天子之半伏焉揚行密據有淮



南聞其建国且使舟師數万伐之比及城下殷登樓指麾  
一鼓而破之其伏屍流血湘水為之丹焉自是四方懾伏  
無敢侵之嶺外廖光看自韶陽叛率族未奔其部曲隨而  
至者數千人殷以其豪而衆多將拒而不納或有諫曰未  
廖者料也焉得料又肥是家国强霸之兆或謂而拒之遂  
待之以礼因命光看為脉州刺史光看且陳南越可取之  
宜言甚激切殷亦將開拓疆土聞其陳甚善因使部將李  
勲將數万軍擊南越未數月拔挂管十八城刘龔惧而乞  
盟勲即李老虎也虜壯絕倫每一食費肉十数斤皆割為  
大肉而啖之故時人号為老虎先是挂管兒童每聚戲呼  
曰大虫来号叫而走及勲把挂管論者以為應莊宗反正  
下說猪候入觀武穆以年老不行命長子希範入朝希範  
多辨善於應對及至莊宗謂曰朕聞鄉之部内有洞庭湖  
其波無除有之乎對曰有之陛下一旦南巡狩則此湖不



廷飲馬耳莊宗大悅既而曰比聞馬氏之國又為高郁所  
害今有子如此高郁何能可得耶高郁殷之謀臣也莊宗  
將去其爪牙故以是言離間之而希範不察及歸杲使人  
搆其罪郁竟至棄市自是識者惜之

束帛所起

夏竦鎮襄陽肆赦致仕高年各賜束帛時胡旦瞽廢在  
郡夏依赦旨送縹十疋胡笑曰傳語舍人何寡聞如此奉  
逸五品請檢韓詩外傳及服虔諸書所解束帛義以貢于  
丘園之義竦檢之果見三代束帛束脩之制若束脩得十  
脰即脯一束也帛則卷于二端五疋以表王者有屈折於  
隱淪之道古制度也

衣冠制度

辨言古之衣冠制度多於古昼中見之不可不加詳審在  
漢魏晉時皆冠服未嘗有袍笏帽帶自五胡亂華夷狄雜



處至元魏時始有抱帽蓋胡服也唐世亦自北而南所以襲其服制何有携日昼唐明皇潞洲像表示予者絳袍黑鞋玉帶又掌見李贊皇像亦是黑鞋金帶或謂古未掌有黑鞋而為金玉帶者殊不詳攷唐朝唯有鞋鞋至五代方有紅鞋是以知前代衣冠制度不可不詳審也

龍涎合和香

何叙南海香品矣近有人問曰今之龍涎香始於何時答曰前代未嘗聞也惟古詩中有博山爐中百和香鬱金蘇合及栢梁則古亦有合和成香者香譜所載品類甚多獨無龍涎香蓋龍本不香出大食國深洋海中或云隴曠於石上數日不起起則有涎覆其上土人候其去則取之涎味凝積如百藥煎而色白者良黑色者多雜沙土不可用合和香者以其能聚香不散故用之宣政間亦未聞焉独有王貴妃合香得名乃審劑者若今之安南香也紹興光堯



萬機之暇留意香品合和奇香号東閣雲頭其次則中央  
復古以占蠟沉香為本雜以腦麝拖花之類香味氤氳極  
有清韻又有番貴妃瑤英香元總管勝古香韓鈴轄正德  
香韓御帶清觀香陳司門木札片香紹興乾乳問一時之  
盛耳慶元韓平原製閱古堂香氣味不減雲頭香番禹有  
吳監稅菱角香而不暇卽脫手捏而成當盛夏烈日中一  
日而乾亦一時絕品今好事家有之泉南香不及廣香之  
為妙都城市肆有詹家香頗類廣香近多用腥烈辛辣之  
氣無復有清芬韻意也雖御前宣賜号曰官香而香味亦  
淺薄非旧香之比不可入品題矣

### 火齊

余見旧有婦人耳環色紫而光艷照映若紫琉璃其質甚  
薄不識為何物也或稱為紫辣子近觀韓永真詩云公然  
白日受賄賂火齊磊落堆金盤盖指言火齊也又陸務觀



詩云火齊堆盤滿珊瑚列庫藏齊音劑云中天竺國設火  
齊狀如雲母色如紫金有光輝照之則如蟬翼積之如紗  
縠王子年拾遺記曰董偃嘗卧延清堂上設火齊屏風光  
耀一室今世不多見其耳環又火齊也

### 撒花

近者北兵侵犯城郭於民間而索金銀等物謂之撒花不  
曉其義蓋夷狄以此為重禮者國朝三佛齊國遣使來朝  
貢見于延和殿其使胡跪于地先撒金蓮花其次真珠龍  
腦布于衙座前謂之撒殿花初至闕先具陳請詔許之方  
施此亦所以重中國也撒花名蓋亦有自來矣

### 禽虫格開

禽虫之微蓋於格開見於武傳者唐之明皇生於巳酉而  
好聞雞聳見之東城父老傳蛩亦始於天竺間長安与富  
人鏤象牙為籠而蓄之以万金之資付之一喙其未遠矣



南唐馮延巳詞有聞鴨闌干獨倚之句人多疑鴨未嘗聞  
予按三國志孫權傳注引江表傳魏文帝遣使求聞鴨群  
臣奏且勿与權曰彼居諒陰中所求若此豈可与言礼哉  
具以与之陸遜傳建昌侯慮作聞鴨闌遜曰君侯宜勤覽  
經典用此何為南史王僧達為太子舍人坐屬疾人往揚  
州橋觀聞鴨為有司所劾新唐書齊王祐善養聞鴨方未  
反時狸咋鴨四十餘絕其頭去及敗牽連誅死者四十余  
人則古盖有之唐田令孜傳僖宗好聞鵝數幸六王宅與  
慶池与諸王聞鵝直五千万錢則鵝亦能聞也余如鸚如  
黃頭雀青菜子皆善聞不欲尽述耳

### 金石毒

金石有性之樂多潛踪前輩已嘗論之矣徃徃不悟多致  
喪身是猶晉人之好服寒食散唐人之好服丹砂雖韓文  
公亦不免焉武宗好神仙方士之術用趙歸真等取銀液



煉神丹而服之遂以丹發而崩王仲言揮塵銀載宣和間  
王稱定觀好李能詩少年為殿中間眷顧甚渥一日召入  
禁中上曰朕得異人製丹砂服之可以長生煉治經歲色  
如紫金卿為試之定觀欣躍拜命取勿服之總因下竟胸  
中燥甚俄頃烟從口出急扶歸失不救矣既殮聞樞中剝  
喙聲莫測所以已而大出其內頃刻歲成烈焰屋戶尽焚  
延曉十數家方息余景定庚申訪陳德公於衢偶及用竈  
事云向聞天台金鵝洞前有巨松夜靜遠望則火毬飛走  
積有年矣暇日与左松泉燻至其處見松眼脂膏融液于  
外意為有異命剖鑿之有物如琥珀光瑩明徹始知其為  
松丹也挈之歸約日分服猶服刀即圭竟狂躁不可禁急  
以水沃胸前熱益甚遂寘身水中凡數易水皆如湯亟  
飲豆汁稍定至冬疽發幾死左亦服寸也雖不至甚而兩  
目赤腫如桃兩月方愈昔未巨容以松丹進史衛王服發



其狂躁而死方仁声泊宅編載吳景洲刑部平生服硯黃人罕知之其後二十年長子壽為華亭市易華疽發于背而死乃知流毒傳氣尚及其子可不戒

瑪瑙

瑪瑙品類多不同出產有南北其石一石外者尔大者如斗其體質堅硬礮造費工若南瑪瑙產大食等國正色紅而無瑕可作杯筭器具生西北者色青黑謂之鬼面青赤而間以紅色如朱砂者為妙莫灵夏瓜沙羗地沙磧中時得之者尤奇有栢枝瑪瑙質如水玉上有枝葉儼如栢枝又有鄴子瑪瑙黑白相間大不過一二寸又有合子瑪瑙質理純黑中間白絲者可作數珠間隔又有夾胎瑪瑙正視之則瑩白粉光側視之則若凝血蓋一物而有兩色也出西羗沙磧中視不多見紫雪瑪瑙者今和州產大者可作屏障卓面等器實一石尔金陵雨花臺有小瑪瑙子但



可充盆盎水石之玩均不第品類也

黑品

古者之墨多以石磨汁而書或云是延川石液為之至魏  
晉時始有墨丸云是燎煙松煤夾和為丸蓋晉人以凹心  
硯者欲磨墨謂潘耳後方有螺子墨亦墨丸之遺製唐高高  
麗歲貢松煙墨以多老松烟和以麋鹿膠為之所謂麋膠  
熟万杵者也至南唐文物之盛遂有李廷圭父子之墨始  
集大成然亦以松煙為之本朝熙豐間張銜遇供銜墨漸  
用油煙入腦麝金箔謂之龍香劑東坡先生頗稱賞焉元  
祐間潘谷造墨蘇黃諸公皆稱之自後蜀中蒲大韶梁杲  
徐伯常輩世亦不足之更有薛劄峯之墨不減前輩近世  
唯三衢葉代實得製墨法墨漬不凝滯誠名下無虛士也  
惜老葉之後其子不得其傳大不及之如翁彥卿等徃徃  
盜茂實名逐立而已不足貴也







拊掌錄三卷

元懷号輾然子

東萊呂居仁先生作軒渠錄皆記一時可咲之事余觀諸家襟說中亦多有類是者暇日裒成一集目之曰拊掌錄不獨資開卷者之一咲亦足以補軒渠之遺也言祐改元立春日輾然子書

卜者許壽

王溥五代狀元相周高祖至宗至宋以宮師罷相其父祚為周觀察使致仕祚居富貴久奉養奢侈所不足者未知年壽耳一日居洛陽里第聞有卜者令人呼之乃瞽者也密問老兵云何人呼我答曰王相公父也貴溢富溢也不知者壽也今以告汝俟出當厚以卦錢相酌也既見祚令布卦成文推命大驚曰此命惟有壽也祚喜問曰能至七十否瞽者咲曰更向上答以至八九十否又大咲曰更何上答曰能至百歲否又歎息曰此命至少亦須一百三



四十歲祚大喜曰其間莫若疾病否並無祇是近一百二十歲之年春夏間微若苦臟腑尋便安愈矣祚喜回顧子孫在後侍立者曰孩兒每切記之是年且莫教我吃冷湯水

依鄉所奏

司馬溫公屢言王廣淵章八九上乞誅之以謝天下聲震朝廷是時滕元發為起居注侍立殿砌既歸廣淵來問早來司馬君實上殿聞乞斬某以謝天下不知聖語如何元發戲曰我即听得聖語云依鄉所奏

風流骸骨

王輔運句骨立有風味朋從目之曰風流骸骨崇寧癸未金陵府宴集見官奴有極瘦者府尹朱世昌顧余曰爾識生色骷髏否余欣然為王句得對



太觀間翰院苑進春帖子有一學士撰詞云神祇祖考安樂之草木鳥獸裕如也以鳥獸對祖考所不宜更以待是罪

木野狐

葉濤好奕棋王介甫作詩切責之終日不肯已奕者多廢事不以貴賤嗜之率皆失業故人目搦秤為木野狐言其媚惑人如狐也

草大虫

自崇寧後復榷茶法制日嚴私販者因以抵罪而商賈官勝請納有限道路有程纖悉不如令則被繫罪或沒貨出告昏愚者徃徃不免其擠乃目茶籠為草大虫言其傷人如虎也

活卦影

熙寧中蜀中日費老宦易以丹青寓吉凶謂之卦影其後



轉相祖述其昼人物不常馬或四匹獸或兩翼或儒冠而  
僧衣故為恠以見像朝士米芾好恠常戴俗帽衣深衣而  
躡朝靴緝緣纈朋從目為活卦影

### 燒裙

信州有一女子名可及落拓貧屢好歌善飲酒居常衣食  
甚迫有人乞與州看因澆染為裙墨亦不落會隣人過之  
出妓設酒良久巧智敏捷亦不可多得嘗曰延慶鄴繡黃  
講論必次及優倡為戲可及褒衣博帶攝齋以并坐稱三  
教論衡偶坐者問曰既言博通三教釋迦如來是何人對  
曰婦人問者驚曰何也曰經剛經云敷坐而坐非婦人何  
顧夫坐而後覺也坐上為之啓齒又曰太上老君何人曰  
亦婦人也問者亦所不喻乃曰道德經云吾有大患為吾  
有身及吾無身吾有何患倘非婦人何患於有娠乎上大  
悅又問曰文宣王何人也曰婦人也問者曰何以知之曰



論語曰沽之哉我待賈者也何非婦人奚待嫁為上意極歡賜予頗厚

講論語

魏博節度使韓簡性麤實每對文士不曉其說心常耻之乃召一孝廉講論語云為政篇翌日語從事曰远方知古人淳朴年至三十方能行立聞者大咲

假作僧道

南中小多無緇流每宣德音須假作僧道陪位昭宗即位柳韜為客嘗宣告使赦下到曉州自來無僧道皆臨事差攝宣告曉有一假僧不伏排位太守至王弘太恠而問之僧曰役未到差遺偏并去歲已曾作文宣王今年有差作和尚聞者莫不絕倒

署吏為聖人

自廣南際海中數州多不立文宣廟有刺史不知禮將釋



莫郎署二書吏為文宣王亞聖鞠躬於門外不進不如儀  
即判云文宣王亞聖各決若干

出汗方

錢適田家子高臍肥肚性甚魯每遇出汗則負重走齋中  
汗出刀蘇既為禁從猶如此或取十餘千錢就帳內荷之  
以作力諸方不載此法但人生惡安逸喜勞動惜乎非中  
庸也輕薄子以語此出汗方雖編入御藥院可一咲故記  
之

盆成括

沈括存中方就汰劉貢父邊哭之曰存中可憐已笑承謬  
問死矣盆成括也

禽言

王荆公嘗與客飲善摘經書中語作禽言燕令云知之為  
知之不知為不知是知也久之無耐者劉貢父忽曰吾摘



句取字可乎因作鷓鴣今日沾不沾沾之哉坐客皆咲

### 雪詩

宗室有滔大使者喜作俳咲之詩有曰一藁草子碧草誰

人嗔作麥門冬若还移種麥門西不成喚作麥門冬

京布有麥門

哲宗宗子多躁怒不怡左右無以娛悅常往來大使求詩

一日雪間有何詩方吟雨句云誰把鷓鴣毛滿處擗玉皇大

帝販私鹽急特以奏哲宗大笑

### 鄙詩

哲宗朝宗子有好為詩而鄙俚可笑嘗作郎事詩曰日暖

看三織風高聞兩廂蛙翻白出濶蚓死紫之長放撥聽琵琶

鳳持饅接建章婦未簾裏坐打殺有何妨或問詩云荅云

始見三蜘蛛織網於簷間又見二雀聞於兩廂有死蛙翻

覆似出字死蚓如之字方喫饅撥飯聞鄰家彈琵琶作鳳

棲梧食饅頭未畢闈人報建章安秀才上謁迎客既歸見



卧内門上畫鍾馗擊小鬼故云打杀又何妨哲宗嘗灼艾  
諸内侍欲娛上或牽其詩上咲不已竟不能灼艾而罷

### 置帽僧頭

張逸密李知成都善待僧文鑒大師蜀中民素所礼重一  
一日文鑒謂張公未及見時華陽主簿張唐轉同侯於客  
欣唐輔歆搯髮方脫烏紗睥睨文鑒罩於具首文鑒大怒  
諠訐張公遽召紙就坐即白曰某与此官人素不相識適  
將幞頭罩某頭上張公問其故唐輔對曰某方頭痒取下  
幞頭無處放頓見師頭闊遂且搯置少時不意其怒也張  
公大咲而已

### 匍匐番

陳烈福州人博季不狗時動遵蔡礼古君謨喪於莆田烈  
徃吊之將至近境語門人曰詩不云乎允民有喪匍匐救  
之今將与二三子行此礼於是烏巾白襪与二十餘生望



門以手据地漆行號慟而入孝堂婦女望之皆走君謨匿  
笑受吊時即李遵畫匍匐首

作犯徒以上罪詩

歐陽公與人行令各作詩兩句須犯徒以上罪者一人持  
刀哄寡婦下海劫人船一云月黑殺人夜風高放火天歐  
云酒粘衫袖重花壓帽簷偏或問人之合云當此時徒以  
上罪亦做也

換羊書

黃魯直戲語子瞻曰晉右軍字為換鵝字韓宗儒者性饕餮  
餐每得公一帖於殿帥姚麟慶換肉十斤可名之曰二丈  
書換羊書矣一日公在輪死以生辰撰著正冗宗儒作簡  
以首報章未使立庭下皆索甚急公笑曰傳語本官今日  
斷屠矣

厥撒太尉



世博宗室中亦有昏繆者撒手為厥一日坐宮門見釘鉸者

急呼之命僕取弊履令工以革護其首工咲曰非我技也

公乃悟曰我謬也誤呼汝矣適一欲呼一鋼漏洽呼者与

聞者大咲之

### 茶

王濛肅客又以茶人語今日有水厄東坡昔窟客茶語主

人曰所語老婆子塗面主人不曉搽了又搽

### 獨步

黃魯直在荊州聞東坡下世士人往吊之魯在雨手抱一

膝起行獨步

### 嗜燒鍊

黃裳鷓嗜燒鍊晚年疾篤語子諸曰吾死以大坳一枚坐

之復以大坳覆之用鉄線上下管定赤石脂固縫置之穴

中足矣



賊補官

閩地越海賊曰鄭廣後就降補官同官強之作詩廣曰不  
問文官與武官文官武官揔一般  
官是做官却做賊鄭  
廣是做賊了做官



黃文炳

國文有

國文有

十一



揮塵錄

宋王明清

字仲言汝陰人

仁宗不室玉帶

李和文遺事云仁宗嘗服美玉帶侍臣皆注目上迂宮語內侍曰侍臣目帶不已何邪對曰未嘗見此奇異者上曰當以遺虜主左右皆曰此天下至宝賜外夷可惜上曰中國以人安為宝此何足惜臣下皆呼萬歲

卻封父子為帝

北齊顯祖高洋晉陽公李元忠南齊竟陵王蕭子良隋長孫覽俱謚文宣孔子蓋出四謚之後大中祥符元年始加玄聖二字後避聖祖諱易至聖熙寧中欲加謚至神元聖帝礼官李邦直以謂夫子周臣也周室諸君止稱王執以為不可卒從其議

避諱易姓



太上皇帝中興之初蜀中有大族犯御名之孀者而遊宦  
參差不齊倉卒之間各易其姓仍其字而便其音者句濤  
是也加金字者鉤光祖是也加糸字者約訪是也加草頭  
者苟諶是也改為句者句是也增而為句龍者如淵是也  
鷓是折為數家累世之後婚姻將不復別文潞公自敬揮  
之授以國初翼祖諱而改今有苟氏子孫与文氏所云相  
同盖本一族亦是仕於南北矣於相照与此相類

沿襲之誤

崇寧中以王荆公配宣聖惡充公而居鄒公之上迁鄒於  
充之次靖康初詔黜荆公但卑塑像不復移鄒公于旧位  
至今天下庠序悉充鄒並列而虛右雖後表重建者率皆  
沿襲而竟不能革也

印章

亡友薛叔器家有閔内侯印甚奇古後攷之魏建安二十



三年嘗直此名也又友人家有盪虜將軍章及明清有橫  
武將軍印皆不可攷伯氏有新迂長印後考前漢書乃新  
室嘗以上蔡為新迂也又友人家多陸子家丞印睦郡名  
既士之子家丞秩甚卑然篆文印樣皆出於諸印又嘗搜  
得之或云亦王莽時印畢少董家有雍未央姓名見於急  
就章

告身有形兒

本朝及五代以來吏部給初出身官告身不惟著歲數兼  
說形兒如云長身品紫棠色有髭髯大眼面有若干痕記  
或云短少無髭眼小無癍痕之類以防偽冒至元豐改官  
制始除之靖康之亂衣冠南渡承襲偽冒盜名字者多矣  
不可稽考乃知旧制不為無意也

潮

姚寬令威明清先友也著西漢殘語攷古今事最為詳悉



其間一條云旧於會稽得一石碑論海潮依附陰陽時刻

極有理不知其誰氏復恐遺失故載之觀古今諸家海潮

之說多矣或謂天河激湧見葛洪潮說或云地機翁張見

洞真正一經盧以肇云日激水而潮生封演云月周天而

潮應海水控入溪山湧而濤隨施師隱之言折木大梁

月行而水大見竇叔蒙海嶠志源殊派異無所適從索隱

探微宜伸確論大中祥符九年冬奉詔按察嶺外嘗經合

浦郡州廉沿南洎臨海康州雷歷陵水州仇涉思平州思往南海州廣

迨由龍州州惠抵潮陽州潮泊出守會稽州越移泣句章州胡是以

上諸郡皆沿海濱朝夕觀望潮汐之候者有曰矣得以求

之刻漏究之消息也進退十年用心頗有準的大率元氣嚶

吸天隨氣而漲歛沮激往來潮順天而進退者也以日者

重陽之母陰生於陽故潮附之於日也日者太陽之精水

者陰氣故潮依之於月也是故隨日而應月依陰而附陽



盈於朔望消於朏魄息於上下弦輝於朏

朔而日見東方

故潮有大

小焉今起月朔也夜半子時潮平於地之子位四刻十一

六分半月離於日在地之辰次日移三刻七十二分對月

到之位以日臨之次潮又應之過月望復東行潮附日而

又西應之至後朔子時四刻一十六分半日月潮水亦俱

復會於子位於是之潮當附日而右旋以月臨子午潮又

平矣月在外西汐又尽矣或遲速消息雖少異而進退盈

虛終不失時期矣或問曰四海潮平皆漸惟江濤至則亘

如山岳奮如雷霆水岸橫飛雪崖傍射澎騰奔激吁誠可

畏也其激怒之理可得聞乎曰或云夾岸有山比曰赭南

曰合龍二山相對謂之海門岸狹勢逼湧而為濤耳若言

岸狹勢逼則東溟自定海

縣名屬四明郡

吞餘姚奉化二江以縣

為名一屬會稽一隸四明伴之浙江左甚狹逼潮來不聞

波濤有声耳今觀浙江之口起自纂風庭地名屬會稽比



望嘉興大山屬秀州水濶二百餘里故海海商舩舩怖於

上潭徒早切水中沙也惟泛餘姚小江易舟而浮運河達于杭越矣

蓋以下有沙潭南北亘之隔礙洪波蹙遏潮勢夫月離震

兌它潮已生惟浙江水泊月會潮經 乾未雖稍遲未則

濁浪推湧後水益未於是益於沙潭猛怒頓湧聲勢激射

故起而為濤耳非江山狹逼使之然也宜哉令威以該洽

聞于時恨不能知其人明清心謂又精博之人後以真宗

實錄考之大中祥符九年以燕肅為廣東提點刑獄遂取

兩朝史燕公實錄傳觀之果嘗自知越州移文州卷末又

云嘗著海潮論海潮旨並行於世則知為燕無疑

降王旧臣脩書

太平興國中諸降王死其群臣或宣怨言太宗尽收用之

寘之館閣使脩群書如冊府元龜文苑英華太平廣記之

類其卷帙厚其廩祿贍給以服其心多卒老於文字之間



云

帝李觀輿

仁宗即位方十歲章獻明肅太后臨朝章獻素多智謀分命儒臣馮章靖元孫宣公奭宋宣獻綏等采摭歷代君臣事跡為觀文覽古一書祖宗故事為三朝室訓十卷每卷十事又纂郊記儀仗為鹵簿三十卷詔翰林待詔高克明等繪畫之極為精妙叙事于左令傅姆輩日夕侍上展玩之解釋誘進鏤板于禁中元豐末哲宗以九歲登極或有以其事啓宣仁聖烈皇后者亦命取板摹印緘此為帝李之觀輿分賜近臣及館職

赤脚仙人

章懿李后初在側微事章聖：過閣中欲盥手后捧洗而前上悅其膚色玉耀与之言后奏昨夕忽夢一羽士跣足從空而下云未為汝子時上未有嗣聞之大喜云當為汝



成之是夕召幸有娠明年誕育昭陵幼年每穿履鞮即令  
晚去常徒步禁掖宮中皆呼為赤腳先人蓋古人之得道  
李君也

高宗卧处龍現

宣和中宴諸王於禁中高宗以困於酒倦甚小憇幄次徽  
宗忽詢康王何往乎左右告以故徽宗幸甚所視之甫入  
即返驚愕默然內侍請於上上云適揭簾之次但見金龍  
丈餘蜿蜒榻上不欲呼之所以亟出嘆息久之云此天命  
也由是異待焉

慎刑

高宗嘗語呂頤浩云朕在宮中每天下奏獄案至莫不熟  
閱再三求生路有至夜分卿可以此意戒刑寺官凡於治  
獄切當留心勿草率頤浩再拜贊歎即以上旨諭之

溫公得人心



司馬溫公元豐末來京師都人疊足聚觀即以相公目之  
馬至於不能行謁時相於私第市人登樹騎屋窺瞰人或  
止之曰吾非望而君所願識者司馬相公之風采耳呵叱  
不退屋瓦為之碎樹枝為之折一時得入之心如此

### 蔡元長南遷

蔡元長既南遷中路有旨取所寵姬慕容邢武者二人以  
金人指名未索也元長作詩以別云為愛桃花三樹紅年  
二歲二惹春風如今去逐他人手誰復尊前念老翁初元  
長之窳也道中市飲食之類問知蔡氏皆不肯住口至於  
諾罵無所不到州縣吏為驅逐不稍息元長轎中獨嘆曰  
京失人心一至於此至潭州作詞曰八十一年住世四千  
里外無家如今流落向天涯夢到瑤池闕下玉殿五同命  
相形虛幾度宣麻只因貪寵戀榮華便有如今事也後數  
日卒門人呂川卞者醵錢葬之



碑上辟刻黨人碑

九江有碑上李仲寧刻字甚工黃太史題其居曰琢玉坊  
崇寧初詔郡國刊元祐黨籍姓名太守呼中寧使劖之仲  
寧曰小人家曰貧窶止因開蘇內翰黃孝士詞翰逐至飽  
暖今日以姦人爲名誠不忍下手守議之曰賢在士大夫  
之所不能及也餽以酒肴而從其請

蘇叔黨菜遇

宣和中蘇叔黨遊京師寓居景德寺僧房忽見快行使者  
同一小轎至傳聖旨召宣亟令升車叔黨不知所以然不  
敢拒總入則以物障其前日不見路頂上以小涼傘蔽之  
二人肩之其疾如飛約行十數里抵一脩廊內侍一人自  
上而下引之升一小殿中上已先坐披黃背子頂青玉冠  
宮女環侍莫知其數弗敢仰窺始初為崇高莫大之居時  
當六月積水如山噴香若霧寒不可忍俯仰之間不可名



狀起居畢上諭云聞卿是蘇軾之子善益窠石適有素壁  
欲煩一掃非有他也叔黨再拜承命然後落筆湏臾而成  
上起身縱觀賞歎再三命宮捧賜醇酒一錫賚極渥拜謝  
而下復循廊間登小輿而出亦不知經所從歷何地但歸  
來如夢復如癡也







說郭卷第

陶朱新錄

宋馬純

字子約号撲墩翁單父人寓陶朱山

寃牛文

黃定者於紹聖間有以牛寃事質司馬溫公。公因作寃牛文曰：華州村民往歲有耕山者，日晡疲甚，遂犁而卧。乳虎翳林間，怒鬣搖尾，張勢作威，欲啖而食之。屢前牛，輒以身立。其人之体上左右以角拉虎，甚力。虎不得食，垂涎至地而去。其人則熱寢未之知也。虎行已遠，牛且犁其体。人則寃而慙之，意以為妖。因扶牛，牛不能言而犇，輒自逐之。尽怒而得愈，見怪焉。歸而殺之，解其体食其肉而不悔。人牛而有功而見殺，尽力於不見之地，死而不能以自明。何使其人早寃而悟虎之害已，則牛之免而獲德矣。惟牛出身捍虎於其人，未覺之前，此所以功立而身斃也。嗚呼！觀此可以見夫天下之害甚於押虎，忠臣之功力於一牛，嫌疑



之猜過於伏體不悟之心深於熟寐苟人主或察焉則忠  
義之恨何所自列或傳稱妾佯殭而弃酒上存主父下存  
主母猶不免於宮固有忠臣獲罪言猶諒夫客有因牛寃  
之事親過而吊焉余聞其語感而書曉牛云又自跋曰是  
牛也能捍虎于其人未寤之前而不能全其功於虎行之  
後其殺宜哉

催妝詞

嘉王傍王昂作狀元始婚禮夕婦家立需催妝詞昂走筆  
賦好事近云喜氣擁門闌光動綺羅香陌行到紫薇花下  
悟身非凡客不須朱粉污天真嫌怕太紅伯留取黛眉淺  
慶章臺春色

王恩嫁妾之義

王太尉恩自親事官出身上皇時為三衙其夫人為買妾  
甚美恩方許之見恩腰紆紆青驚指曰此何物也恩忽自



失而謂夫人曰所買何等人必是良家子遂訪之妾具言  
母縣主也父死貧故見鬻乃呼其母至不肯言其實有喻  
之曰不要爾還顧直但言之方道其事與妾同息遂呼諸  
小使之未婚者令妾與母自擇得一少年其家亦仕宦父  
為右職即命婦白其父具聘禮息又以所 百千為資送  
奩具戒其壻使善奉其妻之母焉噫息一卒而有士君子  
之行宜其貴也

### 黨籍

元祐黨籍凡三等僕家旧有元祐姦黨碑建炎間呂元直  
作相取去最後者也其間多是元符間臣僚文曰皇帝嗣  
位之五年旌別淑慝明信賞刑黜元祐害政之臣靡有佚  
罰乃命有司夷考罪狀第其首惡與其附麗者以聞得三  
百九人皇帝命書而刻之石置于文德殿門之東壁永為  
方世臣子之戒又詔京書之將頒之天下臣竊惟陛下神



聖英武尊制揚功章善癉惡以紹先烈臣敢不對揚休命  
仰承陛下孝弟繼述之志司空尚書左僕射兼門下侍郎  
臣蔡京謹書

元祐姦黨

文臣曾任執政官二十七人

司馬光

文彥博

呂大防

劉摯

范純仁

韓忠彥

曾布

梁燾

王岩叟

蘇轍

王存

鄭雍

傅堯俞

趙瞻

韓維

孫固

范伯祿

胡宗愈

李清臣

劉奉正

范純禮

安燾

陸佃

呂公著

俱元祐

黃履

張商英

蔣之奇

俱元符

曾任待制以下官四十九人

蘇軾

劉安世

范祖禹

朱光庭

姚勗

趙鼎

馬默

孔武仲

孔文仲

吳安持



孫覿

錢勰

李之純

鮮于侁

趙彥若

趙高

王欽臣

孫昇

李周

王份

韓川

顧臨

賈易

呂希純

曹肇

王觀

范純粹

呂陶

王古

豐稷

張舜民

張問

楊畏

鄒浩

陳次升

謝文瓘

並元祐

岑象求

周鼎

徐勣

路昌衡

董敦逸

上官均

葉濤

郭志章

張康國

龔原

朱紱

葉祖洽

朱服

並元符

餘官一百七十七人

秦觀

黃庭堅

晁補之

張耒

吳安詩

歐陽棐

劉唐老

王鞏

呂希哲

杜純

張保源

孔平仲

湯誠

司馬康

宋保國

黃隱

畢仲游

常安民

汪衍

余爽

鄭俠

常立

程頤

唐義問

余卜



李格非

陳瓘

任伯雨

張廷堅

馬涓

陳乳

朱光裔

蘇嘉

龔夬

王回

呂希績

吳儔

歐陽中立並元祐

尸材

葉伸

李茂直

吳慶厚

李績中

商倚

陳祐

虞防

李祉

李深

李之儀

范正平

曹盖

楊綝

蘇昞

葛茂宗

刘謂

柴袞

翁羽

趙天祖

李新

衡鈞

衮通通

馮伯樂

周誼

孫琛

范彙中

鄧考甫

王察

趙珣

封堯民

胡端修

李傑

李賁

趙令時

郭執中

石万

金極

高公應

安信之

張集

黃策

吳安遜

周永微

高漸

張夙

鮮于綽

呂諒卿

王貫

朱絃

吳明

梁安国

王吉

蘇迥

檀固

何大受

王箴



鹿敏求

江公望

魯紆

高士育

鄧忠臣

神師極

韓治

郁晚

秦希甫

錢景祥

錢希白

周縉

何大正

吳彥祖

梁寬

沈千

曹具宗

羅鼎臣

劉勃

王極

黃安期

陳師錫

子肇

黃迂

黃邦正

許堯甫

揚拙

胡良

梅君俞

寇宗顏

張居

李脩

逢純熙

高道烙

黃才

曹典

侯顧道

周遵道

林膺

葛輝

宋壽岩

王公彥

王交

張浦

許安脩

劉吉甫

湖潛

董祥

楊懷宝

倪真孺

蔣津

王守

鄧元中

梁俊民

王陽

張裕

陸表民

葉世英

謝潛

陳唐

劉經國

扈充

張怒

陳并

洪芻

周諤

蕭形

趙越

勝友

江珣



方适

許端卿

李昭玘

何訓

陳察

鍾正甫

高茂華

揚彥璋

廖正一

李夷行

彭醇

梁士能

並元符

武臣二十五人

張巽

李備

王猷可

胡田

馬諗

王履

趙希夷

任璿

郭子旂

錢盛

趙希德

王長民

李永

王庭臣

吉師雄

李愚

吳休復

崔昌符

潘滋

高士權

李嘉亮

李玩

劉庭華

姚雄

李基

並元符

內臣二十九人

梁惟簡

陳衍

張士良

梁知新

李倬

談辰

竇越

趙約

黃卿從

馮說

魯燾

蘇舜民

楊備

梁弼

陳恂

張茂則

張琳

裴彥臣

李備

閻守勤



王紱

李穆

蔡克明

王化基

王道

鄧世昌

鄭居簡

張祐

王化臣

並元符

為臣不忠

曾任宰臣二人

王珪

章惇

元符

古今准尚書兵部符備降勅命指揮立石監司廳崇寧四年二月日此兩浙常平司所立碑石天下監司郡守皆立之後因星變遂毀

戲殺

通判監酒趙詩者昔在李校嘗因齋熟寐與衆戲以香燭花果褚錢之類設供於卧榻前而潛祠之寢者既覺見之曰我已死耶戲歎不已少頃復寢不復起視之真死矣乃徹供設之物竟不敢言其所以於人豈非覓而見此驚駭散人魂遂不復體也耶事有不可知者



熊為火災

紹興己酉永嘉火災前數日有熊而楠溪至江汭躍入小舟渡至城下初不惧人命獵士殺之時高開府世則寓城中謂其倖趙允蹈曰熊于字為能火郡中宜慎火燭趙咲不以為然果延燒官民舍什七八獨州治存焉

貞婦

建炎間收陳州賊舍用軍子陳之鄧灣都統制官曹寔韓宏守統制王渙色門中夜聞小喧徐擁一美婦出斬之行刑者二將曰某屢斬無辜矣重自歎息又曰適婦人自云陳之胥妻也早未正統制得之賤中欲與之私不允已刺一刀適又逼之婦人曰統制軍官也隨都統未破賊本為百姓除害若惡新婦充碑使則可軍欲見私所不願也王渙欲強之且曰我當殺汝婦人又曰如此統制亦賊耳一死何惧遂命斬之二將嗟嘆通夕不能寢噫保其潔而不



愛死雖古烈女不能過之

### 異魚

河南廣武山漢高皇廟在其麓殿前有八角井曰漢泉井  
中有三魚一金鱗一黑鱗一如常而一邊鱗肉魚骨皆無  
獨其首全與二魚並游水中但其游差緩不復有揚鬣擦  
刺之勢觀者凭欄俯窺雖異之而猶未審一日有隨而死  
者因濬之遂得三魚鱗色如在水中時半邊者五內皆無  
方大異之後復置井中至今三魚尚存俗傳漢高皇食鱠  
庖人沿魚及手而楚軍至倉皇弃魚井中而適此語固無  
根難言然已剗之魚而游泳不死亦可怪也







文昌雜錄六卷

宋龐元英中南安人官主客郎

養珠法

禮部侍郎謝公言有一養珠法以今所作假珠擇光瑩圓潤者取稍大蚌蛤采月華浸之伺其口開急以珠投之頻換清水夜至月中蚌蛤采月華玩弄經兩秋卽成真珠矣

治骨鯁

禮部王員外言昔在金陵有一士子為魚鯁所苦累日不能飲食忽見賣白錫者因買食之頓覺無樣然後知錫能治魚鯁也後孫真人書已有此方矣餘知安州有昇州通判柳應辰為余傳治魚鯁法以倒流水半盞先問其人使之應吸其氣而水中面東誦元亨利貞七遍吸氣入水飲少許卽差亦嘗試之甚驗

製藥

禮部謝侍郎言乾山藥法刮去皮以厚紙裹于風中最良



又置焙籠中下鋪茅數莖以微火烘之亦佳作湯點如新者乳香最難研先置壁罇中半日許入鉢乃不粘祠部趙郎中亦云研乳香取指甲三兩片置鉢中猶易未爾

### 玉龍膏

禮部王員外言今謂面油為玉膏太宗皇帝始合此藥以白玉碾龍合子貯之因以名焉

### 鳳子

禮部王員外言崔豹古今注蛺蝶大者名鳳子然詞人罕用余讀唐韓偓詩有鵝兒唼蝶雌黃嘴鳳子輕盈賤粉腰正為蝶也

### 藥剗

元微之詩云松門待制應全遠藥剗監搜可得知蓋唐有宣政殿為正衙殿庭東西有四松松下待制官立班之地舊一至今猶存



按開成元年詔以入閣日次對官班退立於東階松樹下  
須宰臣奏事畢齊至香案前各言本司事雖紫宸殿亦有  
松樹為待對官立位云殿門外有藥樹監察御史監搜之  
位在焉唐制百官入宮殿門必搜監察所掌也太和元年  
詔曰自魏晉以降恭有霸制虛似搜索因襲尚存朕方推  
表大信寘人心腹况吾台宰又何間焉自今以後次坐朝  
衆寮既退宰臣復進既奏事其監搜宜停

### 嫁杏

禮部王員外言夕見朝儀大夫李冠卿說揚州所居唐前  
有杏一窠極大花多而不實適有一媒姥見如此咲語家  
人曰來春與嫁了此杏冬深忽携樽酒來云是婚家撞門  
索酒處子裙一腰擊杏上已而奠酒辭祝再三家人莫不  
咲之至來春杏已結子無數江淮亦多有嫁橘法不知是  
何術也



洞庭枹橘

國子朱司業言南方枹橘雖多亦畏霜每霜時亦不甚收  
唯洞庭霜雖多却不能損詢彼人云洞庭四面皆水也水  
氣上騰尤能閣霜所以枹橘最佳歲收不耗正為此耳

司馬地室

司門范郎中云井父蜀郡公鎮近居許昌作高菴以待司  
馬公招累未至菴極高在一臺基上司馬公居洛作地室  
隨而入以避暑熱故蜀郡作高菴以為戲也北京留守王  
宣徽洛中園宅尤勝中室七間上起高樓更為華侈司馬  
公陋巷所居總能庇風雨又作地室常讀書於其中洛人  
戲云王家鑽天司馬家入地然而道德之尊彼亦不知顏  
氏子也

高麗貢國車

元豐三年高麗國遣使柳洪副朴寅亮朝貢且獻日本國



車一乘洪云諸侯不貢車服誠之非禮本國所以上進者  
欲中朝見日本工拙爾朝定為留之高麗本箕子之國其  
知禮獻本朝如此

### 降賊供脚色

熙寧中福建賊廖恩聚郡黨於山林招撫久之方出降朝  
廷赦其罪授右班殿直既至有司供脚色有頃云一歷任  
以來並無公私過犯見者無不笑之

### 煮浣油衣

淳化中有司言油衣帟幕損蔽者万数天毀弃詔令煮而  
浣之命尚方染以雜色刺為旗幟焉

### 袴褶

晉志云袴褶之制未詳所起近代車駕親于中外或發則  
服之唐制三品以上紫褶五品已上緋褶通用細綏七品  
已上綠褶九品已上碧褶通用小綏玉藻云禪音丹為綰音頃



引急也帛為褶也。裕也。鄭云單為綱有裳衣而裏者也。帛為褶有表裏而無著者也。周遷輿服雜事。趙武靈王縵胡之纓戎服有袴褶之制。始自漢武。近是服以從戎。隋制。纂組文武百官咸服之。車駕親戎則縛袴使不舒散。皇朝。導官袴褶蓋馬上之服也。

引嗶

通典梁御史丞給威儀十人其八人武冠絳繡一人緹衣執鞭杖依行列行七人唱呼入殿引嗶音橫至階一人執青儀囊不喧。國朝故事御史中丞告百官呵引至朝堂兩朱衣吏告引入朝。唐至文德殿門止。蓋尔引嗶之比也。嗶音皇按說文小兒声引詩其泣嗶也。

公主賜謚

唐德宗正元十年七月賜故唐安公主謚曰莊穆公主賜謚始於此也。



唐朝殿種花柳

杜甫紫宸殿退朝詩云香飄合殿春風轉花覆千官泚景  
移又晚出左掖云退朝花底散歸院柳邊迷乃知唐朝宮  
殿亦種花柳今殿庭唯對植松楸鬱楸鬱然有毅之氣也

市井

世言市井廛未曉其義如何因讀風俗通日井亦謂之井  
市言人至市有粥賣者當於井上洗濯令香然後到市或  
曰古者二十畝為田井為市故云又市中空地謂之廛顏  
師古乃云凡言市井者市交易之處井共汲之所搃而言  
處其井者也

襟鉢

北虜謂住坐處曰襟鉢四時皆然如春襟鉢之類是也不  
曉其義近者彼國中書舍人不師儒未修祭奠余充接伴  
使回以問師儒答云是契丹家語猶言行在也



彈其焦文

梁沈約有修竹彈其焦文其畧曰長蕪淇園貞幹脩竹簷  
首言切惟姑蘇臺前其蕉一聚宿漸雨露在苒歲月今月  
某日有臺西皆澤蘭萱艸到園同訴自稱今月某日巫岫  
歛雲秦樓開照軋光弘普門陰不曠而其蕉攢莖布影獨  
見障蔽雖處臺隅遂同幽谷臣謂偏辭難信敢察其情登  
攝甘蕉左近杜若江篱依源辨覆兩州各處異到同擬既  
有證據差非風聞妨賢敗政孰遇於此苟不除戮憲章何  
用請以見事徒根剪葉年出臺外庶懲彼將來謝此平屈  
歷觀自昔文集未嘗有此類製者雖曰新奇蓋益有所寓  
托也

避父諱

史記季市傳楚人曹丘生招權顧金錢事貴人趙同等漢  
書同作談司馬遷以父名故改之今人與父同名者改曰



同為是也

梁四公子

梁四公子一人姓蜀携音名闔禁音丑孫原人一人姓翫音名

杰傑音天齊人一人姓越蜀音嶺音浩澶音人一人姓仇

掌音名膺觀音五阮人昭明太子曰蜀出揚雄蜀記闔出公年

傳翫出世本事亦作簡出三齊記曰杰出竹書記年日出

索緯隴西人物志顯出世本及廣雅仇出太一符膺出史

記孫原焚山名浩澶洮湟之間二水名五阮雁門也



Vertical columns of text, likely bleed-through from the reverse side of the page. The text is extremely faint and illegible.



代國公郭元振開元中下第自晉之汾夜行陰晦失道久而絕遠有灯燭之光以為人居也徑往尋之八九里有宅門宇甚峻既入門廊下及堂上灯烛焚煌牢饌羅列若嫁女之家而悄無人公繫馬西廊前歷階而升徘徊堂上不知其何處也俄聞堂上東閣有女子哭声嗚咽不已公問曰堂中泣者人耶鬼耶何陳設如此無人而獨泣曰妾此鄉之祠有烏將軍者能禍福人每歲求偶於鄉人人又擇處女之美者而嫁焉妾雖陋拙父利鄉人之五百緡潛以應選今夕鄉人之女並為遊晏者到是醉妾此室共鎖而去以迎於將軍者也今父母棄之死而惴々哀惧君誠人邪能相救免妾身為除掃之願以奉指使公大憤曰其妻當何時曰二三更吾忝大丈夫也又刀救之若不得當殺身以殉終不使汝徃死於淫鬼之手也女泣少止於是坐



於西階上移其馬於堂北令一僕侍坐於前若為賓而待之未幾火光照耀車馬駢闐二紫衣吏入而復走出曰相公在此遂巡而去二黃衫吏入而出亦曰相公在此公私心獨喜吾當為宰相又勝此鬼矣既而將軍漸近道吏復告之將軍曰入有戈劍弓矢引翼以入即東階下公使僕前曰郭秀才遂相揖將軍曰秀才安得到此曰聞將軍今夕嘉禮願為小相耳將軍喜而延坐與對食言咲極歡公囊中有利刀思欲刺字乃問曰將軍曾食鹿脯乎曰此地難遇公曰某有少許珍者得自御厨頭削以獻將軍大悅公乃起取鹿脯并小刀目削之置一小器令自取之將軍喜引手取之不疑其它公伺其無機乃投其脯執其腕而斷之將軍失声而走導從之吏一時驚散公執其手腕衣纏之令僕夫出望之寂無所見乃啓門謂泣者曰將軍之腕已在此矣尋其血蹤死亦不久汝既獲免可出就食泣



者乃出车可十七八人甚嘉麗拜於公前曰誓為僕妾公  
勉諭為天方曙開視其手則猪蹄也俄聞哭泣之聲漸近  
乃女之父母兄弟其鄉中耆老相與舁觀而來將收其屍  
以備殯殮見公及女乃生人也咸驚以問之公具告焉鄉  
人共怒殘其神曰烏將軍此鄉鎮神鄉人奉之久矣歲配  
以女終無它虞此禮一違即風雨雷電兼虐柰何矣路之  
人而傷我明神致暴於人此鄉何負當殺鄉以祭烏將軍  
不尔亦縛送本縣揮少年將令執公亡諭之曰尔徒老於  
年未老於事我天下之達理者尔衆其所吾言夫承天命  
為鎮也不若諸侯受命於天子而彊理天下乎曰然公曰  
使諸侯淫色於國中天子不怒乎殘虐於人天子不伐乎  
城使尔呼將軍者真神明也神固無猪蹄天豈使淫妖之  
獸乎且淫妖之獸天地之罪畜也吾執正以誅之豈不可  
乎尔魯無正人使尔少女年亡橫死於妖畜穢罪動天安



知天下使吾雪烏從吾言當為尔際之永為無媵礼之患  
如何鄉人悟而喜曰願從命公乃令數百人執弓矢刀鎗  
鍬鑿之屬環而自隨尋血而行總二十里血入大塚穴中  
目圍以劓之應手漸大如瓮口公令束薪燃火投入照之  
其中若大室見一大猪無前左蹄血卧其地突煙走出猷  
死於園中鄉人翻共相慶會錢以酬公也受不日吾為人  
除害非鬻獵者得免之女辟其父母親族日多幸為人抱  
賀血屬閨闈未出固無可殺之罪今日貪錢五百萬以嫁  
妖獸忍鎖而去豈人所宜若非郭公之仁勇寧有今日是  
妾死於父母而生於郭公也請從郭公不獲以旧鄉為念  
矣泣拜以從公也多岐接喻止之不獲遂納為側室生子  
數人如公之貴也皆任大官之位事已前定雖生遠地而  
棄於鬼神終不能害明矣

尼妙寂姓葉氏江州潯陽人也初嫁任華潯陽之大賈也



父昇輿華徃復長沙廣陵間貞元十一年春之潭州不復  
過期數月妙寂忽夢父被髮裸刑流血滿身泣曰吾與汝  
夫湖中遇盜皆已死矣以汝心似有志者天許復讎但出  
冥之意不欲顯言故吾隱語報汝誠能思而復之吾亦何  
恨妙寂曰隱語云何昇曰殺我者車中候門東州俄而見  
其夫形狀若父泣曰殺我者未中走一日夫妙寂撫膺而  
哭遂為女弟所呼竟泣告其母闔門大駭念其隱語杳不  
可知訪於憐雙其鄉間之有知者皆不能解秋詣上元縣  
舟楫之所交有四方士大夫多戀焉而又邑有瓦棺寺上  
有閣竒山輒江方里在目亦江湖之極境遊人弭棹莫  
不登眺吾將緇服其間伺可問者又有醒吾感者於是褐  
衣上元捨力瓦棺寺日持箕帚洒掃閣下間則徒倚欄檻  
以揆誠者見高冠博帶吟嘯而來者又拜而問君數年無  
能辨者十七年歲在辛巳李公佐者罷頌南從事而來攬



衣至閤神采俊逸頗異常倫妙寂向前拜泣且以前事問之公佐曰吾平生好為人解疑况子之寃懇而神告如此當為子思之點行數步喜招妙寂曰吾得之矣殺汝父者申蘭殺汝夫者申春耳妙寂悲喜鳴咽拜問其說公佐曰夫猴申生也車去兩頭而言猴故申字耳草而門匕而東非蘭字邦禾中走者穿地過也亦此申字也一日又加夫盖春字耳鬼神欲感人故交錯其言妙寂喜若不自勝久而淹滲拜謝曰賊名既影雪寃有路苟獲釋憾誓報深恩婦人無它唯潔誠奉佛祈增海福耳乃再拜而去兄和初洄州普光王寺有梵氏戒壇人之為僧者又由之四方輻輳僧尼繁會覩者如市為公佐自楚之秦維舟而往觀之有一泥眉目即秀若旧誠者每過又疑視公佐若有意而未言者久之公佐將去其尼遽呼曰侍御元和中不為嶺南從事乎公佐曰然匕則記小師乎公佐曰不記也妙匕寂



曰昔瓦棺寺閣求解車中猴者也公佐悟曰竟獲賊否對  
曰自悟夢言及男服易名士寂泛傭於江湖之間數年聞  
戰黃之間有申村因往亡焉流轉周星乃聞其村西隅中  
有申蘭者默往求傭輒賤其價蘭喜召之俄又聞其從父  
弟有名春者於是勤恭執事晝夜不離見其可為者不顧  
輕重而為之未嘗待命蘭家器之昼與辟傭共作夜寢其  
席無知其非丈夫者逾年益自勤幹蘭愈欽念視士寂即  
自視其子不若也蘭或農或商或畜貨於武昌閤鎖啓閉  
悉委言曰驗其匱中半是已物亦見其失及父常所服者  
垂涕而記之而蘭春叔出季處未嘗偕在慮其擒一而驚  
逸也待之數年永貞年重陽二盜飲既醉士寂奔告于州  
乘醉而獲一問而詞狀就決得其所喪以歸盡奉母而請  
從釋教師洪州之天宮寺泥洞微即昔時受教者也妙寂  
一女子也血誠獲讐天亦不奪遂以夢寐之言獲悟於名



子與其讐者得不同天碎此微軀豈酬明哲梵宇無它唯  
廈誠法象以報効耳公佐大異之遂為作傳大和唐戊歲  
復官巴南與進士沈田會于蓬州田曰話竒事持以相示  
一覽而復之錄恠之日遂纂於此為

續凶恠錄

唐李復言

盧從史元和初以左僕射節制澤潞藩鎮陰欲拒命跡涉  
不臣為中官驛騎將軍吐突承瓘所紹縛送京師以反狀  
未明左遷驩州司馬既而迹盡露賜死於康州室曆元  
年象州刺史李湘去郡歸國自以海隅郡守無臺閣之親  
一旦造上國駕痛舟泛滄海路聞端溪縣女巫巫知未來之  
事維舟召為巫到日某能知未來之事乃見女者也乎之  
皆可至然鬼有二等有福德之鬼有貧賤之鬼福德者精  
神俊爽往亡自與人言貧賤者氣劣神悴假某以言事盡  
在所遇非某能之也相曰安得鬼而問之曰斤前揪林下



有七人衣紫佩玉者澤潞盧僕射可拜而請之湘乃公服  
簡回林而拜女巫巫僕射答拜湘遂揖上階空中曰從史死  
於此所為弓弦所遣今尚惡之使君床上弓幸除之湘遽  
命去焉時所東階上只有一榻湘偶忘其責將坐問之女  
巫曰使君無禮僕射官高何不延坐乃以將吏視之僕射  
大怒去也急隨拜謝或肯却來湘匍匐下階問其所向一  
步一拜凡十數步空中曰大錯公之官未敵吾軍一裨將  
奈何對我而自坐湘再三辭謝方肯却回女巫曰僕射却  
迴矣於是拱立而行及階女巫曰僕射延矣別置榻而設  
首褥以延之巫曰坐矣湘乃坐空中曰使君何所問對曰  
湘遠宦歸朝憂疑曰極伏知僕射神通化造識達未然伏  
乞畧賜一言示其榮悴空中曰此去大有入按引到城一  
月當刺梧州湘又問終更不言湘因問曰僕射去人寰久  
矣何不還生中而久處冥漠乎曰是何言哉人世勞苦万



愁纏心尽如灯蛾争撲名利愁贖而髮白神敗而形羸方寸之間波瀾万丈相妬相賊猛於豪獸故佛以世界為火宅道以人身為大患吾已免離下視陽火豈復低身而卧其間乎且夫據其生死晦明未殊孝仙成敗則無所異吾已得煉形之術也其術自無形而煉成三尺之形則上天入地乘雲駕鶴千變万化無不可也吾之形未圓者三寸耳飛行自在出出入入明亦可也万乘之君不及平况取民平湘曰煉行之道可得聞乎曰非使君所宜問也復問梧州之後終而不言乃去湘到輦下以奇貨求助之者數人未一月拜梧州刺史皆如其言竟終於梧州盧所以不復言其後事也



希通錄二卷

宋蕭參

此書名曰希通者皆取范甯云雖我之所是理未全當安  
可以得當之難而自絕於希通哉嘉定癸未通岩蕭參識  
豕牢

晉語胥臣對文公曰昔者太任娠文王不変少溲于豕牢  
而得文王不加病焉帝氏云少小也溲便也豕牢厠也不  
加病言易也設有是事猶當剪焉況於誣乎老泉帝嚳論  
嘗碎吞卵等事猶為度幾胥臣之言無稽甚矣

天山

雪山祁連山白山其實天山也明帝紀擊破白山虜於蒲  
類海上章懷註曰山冬夏有雪故曰白山匈奴謂之天山  
過之皆下馬拜又杜詩註天山即祁連山在伊州一名唐  
山其名四其實則一

車二音



何彼穠矣棠棣之華局不肅雝王姬之車常昭曰車古皆音尺奢反從漢以來始音居恐未必然莫赤匪狐莫黑匪鳥惠而好我携手同車以此協韻攷之則古亦有居音矣

三郎

坡詩三郎官爵如泥土爭唱弘農得宝歌注皆不載出處嬾真子錄嘗記開元中有人忘其姓名獻俳文於明皇云說甚三皇五帝不如未告三郎明皇兄弟六人一人早亡故明皇為太子時号五王宅寧王薛王明皇兄也申王岐王明皇弟也

蒙俱

荀子仲尼之狀如蒙俱韓退之註四目為方相兩目為蒙俱揚倥其亮切註俱首蒙茸按子虛賦蒙公先驅慎子云毛媯西施天下之至姣也衣之以皮俱則先之者皆走也若是則蒙俱為二物俱音欺韻畧無此字有魁字類揚倥說非



論書

誓告盟誼切也然恐其下之不我信至於暇天地神明以  
誘之亦甚費力矣如舜堯時都俞吁咈四字成就天下無  
限大事二典三謨寂寥短簡則知未施信而民而民信其  
威不可及如此

火城

王元之待漏院記相君至止煌也火城按李肇國史補正  
旦曉漏已前三司使大金吾皆以捍也炷擁焉謂之大城

籟簫

莊子天籟地籟籟籟杜詩陰壑生靈籟注並云簫也按釋也  
文三孔籟大者謂之笙小者謂之箛其中謂之籟也者乃  
管中之虛也中虛然後有聲所謂樂出虛是也非直以為也

簫

佛名如來南無謨按韻祖十虞韻由謨字注胡人拜稱南



膜者謨因知佛胡神也胡人拜而并其号故就錄之譯經者誤作南謨

光武氣象

光武復南頓田租一歲父老願復十年帝曰天下重器常恐不任安敢遠期十年乎吏民又言階下實懼之何言之謙也帝大笑復增一歲此如家人父子相唯諾足想當時中興之象文叔少時與人不疑曲豈信然哉

揚子祖孟子

揚子祖述孟子文勢極是然揚子刻畫不若孟子渾然

始皇非坑儒

李斯曰非博士官所職天下有敢藏詩書石家語者皆詣守尉雜燒之則是天下之書雖焚而博士官猶有存者惜乎入關收圖籍而已及此竟為楚人一炬耳輩輩前論之但坑儒一事未有究極之者僕按史書所坑特侯生盧生



四百六十餘人非能尽坑天下儒者為其所坑又非儒者  
何以知之始皇三十二年使盧生求羨門刻碣石門壞城  
郭决通隄防又盧生生海還因奏錄碣書曰亡秦者胡也  
始皇乃遣蒙恬奔兵三十万人北代匈奴起臨洮築長城  
至遼水又盧生說始皇曰日方中人主時為微行以辟惡  
鬼真人願至上所居宮毋令人知然後不死之藥始可得  
也其後建阿房宮千間乃落又自此言秦之觀此七事皆  
虛生等稔其惡又從之諛之特方技之流耳豈所謂儒者  
哉始皇因封禪之議謗口訥紛已懷殺意及其一怒而坑  
之或者天理之不容乃其求曰海上也則挾童男童女以  
行皆取於民間奪其吾告之孤肆厥不軌之狀如今所謂  
妖竊奔其中死無辜者多矣此一罪也因亡胡之讖與白  
伐之師築長城斷地脉南北生靈曰是後而死者不可勝  
筭骸積如山血流成川調奔頻煩剝及閭左原始要終誰



生厉階此二罪也猷群鬼之術覲真人之來咸陽宮觀二  
百七十複道相連有言其所幸之處者罪死梁山之上其  
語一泄時在傍者盡殺之自是莫知行之所在此三罪有  
一於此罪不容於死况兼有之以田百六十餘人之坑賞  
万民之命良不為過天網恢恢疎而不漏真可畏也始皇  
曰盧生等吾尊賜之甚厚今乃誹謗我諸生在咸陽者吾  
使廉問或為妖言以亂黔首於是使御史按問諸生傳相  
告引僕亦信盧生非吾儒中人况始皇自謂尊賜甚厚豈  
非如前三者方術者讖之類有以中其欲故尊賜之初不  
聞其誦孔子之言以進古今相承皆曰坑儒盖惑於扶蘇  
之諫曰諸子皆誦法孔子皇上皆重法繩之臣恐天下不  
安嗚呼若盧生者何嘗誦法孔子自扶蘇言之悞使儒者  
蒙不韙之名我自以洗亦万世之快也不然而兩生四皓  
伏生之流鴻飛宜亡戈人何慕肯搖唇鼓舌自投於陷穽



哉僕故曰盧生四百六十餘人皆方伎之士也天下之大  
所謂儒者因不止此其坑之者此而已矣有道之士秦不  
能况大德一矣而兩生以講禮聞四皓以翼之功聞伏生  
以口授古書聞豈非天壽其脉留此數公以見吾儒不可  
磨滅而朋姦黨惡小人終不能為長久計商君以变法禍  
秦竟遭車裂盧生等以方技禍秦坑矣於咸陽其罪等也  
天其或者假於秦歟商君裂矣盧生坑矣而秦以不祀上  
抑亦自相濟陷之明報而禍淫之道為不偏矣僕甚惡坑  
儒之名故論其顛末如此

善訓多

載馳女子善壞鄭箋善猶多也漢書岸善崩善亦多也以  
善為多經史中少用間見於此

悲歌

羽夜聞漢軍四面皆楚歌泣數行下歌曰力拔山兮氣蓋



世時不利兮，雖不逝，豈不逝？可奈何！虞兮，虞兮，何！  
又東坡志林載李後主去國之詞云：二十餘年家國數千  
里，地山河幾曾慣。干戈一旦歸，為臣虜，沈腰潘髮，消磨最  
是蒼皇。薛廬日教坊猶奏，別離歌，揮淚對窗娥。東坡謂後  
主當慟哭於九廟之下，謝其民而後行，却乃揮淚對宮娥。  
其詞悽愴，同歸一揆。然羽為差勝，其悲歌慷慨，猶有暗鳴  
吒吃之氣。後主直是養成兒女子態耳。如梁武帝稔候景  
之禍，毒流江左，乃曰：自我得之，自我失之，亦復何恨。此說  
雖與二者不同，如窮兒呼盧，驟勝驟負，無所愛惜，特付之  
一擗耳。嗚呼，安得此亡國之言哉！

田文無恥

田文好賢，下士。溫公鄙之，為逋逃主。莘淵藪王介甫，亦謂  
雞鳴狗盜之出於門下。此事之所以不來，僕謂此不足責。  
有事最無恥，請暴白之。戰國策云：孟嘗君舍人有與君之



夫人相愛者或以問孟嘗君曰為君舍人而與內夫人相愛亦甚不義矣君其思不在三千之數且田文志趣如此而顧以此責之過矣就使其能以招聘撫士而士思且噍去不暇詎肯以車魚之故哉

### 瓜期

士大夫以交代為瓜期佐傳莊公八年齊侯使連稱管至父戌葵丘瓜時而往曰及瓜而代期戌公問不至請代弗許故謀作亂據此乃一年戌守耳今例稱瓜期不當况作亂非美事乎

### 介冑不拜

周亞夫細柳營見文帝不拜而揖人以為耀軍威要之身撰甲冑亦謂不容拜按公羊僖公三十三年晉人及姜戎敗秦師于殺石里子蹇叔子送其子而成之子揖師而行何休云揖其父於師中介冑不拜為其拜如蹲音觀此則



知西夫之不拜有由矣

### 錢唐

史記始皇本記至雲夢浮江不過丹陽至錢唐臨浙江上會稽立刻頌秦德兩漢地理志會稽有錢塘縣今人以唐為唐非也其失本於世說注云晉人姓沈而今其縣者將築塘患土不給詭曰致土一畚以錢一畚易之土既集誘曰今復不須土矣人皆弃去曰取以築故名殊不知秦漢以前已有此名豈至晉而然乎

### 居士

本朝以居士稱者實繁即孟子所謂處士也六經中惟禮記玉藻有曰居士錦帶注道藝處士也居士之名本乎此

### 寓公

今日寄居官為寓公禮記郊特牲諸侯不臣寓公注諸侯失國而寄寓他國者謂之寓公所寓之國不敢以之為臣



此寓公死則臣其子矣

### 東道

左傳獨之武見秦伯曰若舍鄭以為東道主史記鄭使謂秦穆曰君何不解鄭得為東道後漢彭寵傳朱浮對光武曰大王倚彭寵為北道主人鄧晨傳光武謂鄧晨曰律卿以一身從我不如以一郡為我北道主人今世專以主人為東道古人各指其地之所向而言之

### 官奴

今以官奴為官奴即官婢也其字原於周禮天官酒人奚三百人注今之侍史官婢

### 白癡

漢昌邑王賀清狂不惠住如今白癡則知師古住本於杜預惠自異意同

### 麀糟



俗以不淨為麀糶語雖不雅然有所出霍去病傳麀  
下注世謂尽死殺人為麀糶

### 至竟

杜牧之息夫人廡詩至竟息亡緣底事可憐金谷墜樓人  
至竟畢竟也詩人習用至竟字按漢樊英傳論朝廷若待  
神明至竟無他異其餘史書未見用此字

### 不中用

恒談以不可用為不中用自晉時已有此語左傳成二年  
卻子曰克於先丈夫無能為役杜預注不中為之役使

### 券

今人多曰執券取償按史記曰敬仲世家蘇代謂田軫曰  
公常執左券以責於秦韓又平原君傳且虞卿其兩摧事  
成操又券以責券者取其合符之義曰左曰皆可



俗年年老者為耆物實無礙人以物也故曰人物况六經中已有此語周禮籥章祭蜡以息老物

利市

利市之說世俗皆然其實六經中已有此事易說卦選為利三倍

蘇幕遮

周邦彥樂府有蘇幕遮之曲按唐書宋務光傳此見坊邑相率為渾脫隊駮馬胡服名曰蘇莫遮盖本於此今語為幕



後漢及存燕慶緒所誅不復有  
或法世謂及克般亦為其類

至克

其故之志大人

其克果克也

其明也

時年西

其朕

其

其

其

其

其

其



重編燕北錄 三卷

清年四年戊戌歲十月二十三日啓行離靴甸往西北約  
二百八十餘里地名宋行甸行柴冊之禮於十一月一日  
先到小禁園內宿泊於二日却於契丹官內選擇九人與  
我主身材一般大小者各賜戎主所着衣服一套令給東  
九人假作戎主不許別人知竟於當夜子時與戎主共十  
人相離出小禁園入大禁園內分投各入一帳每帳內只  
有蠟燭一條椅子一隻並無一人於三日辰時每帳前有  
契丹大人一員各自入帳列阿骨蠟漢語提認文字也若  
提認得戎主者宣賜牛羊駝馬各一千當日宋國大王戎  
主親弟於第八帳內提認得戎主番儀得言道我不是的  
皇帝其宋國大王却言道你的是皇帝如此往來番語三  
遍戎主方始言便是出帳來着箱內番儀衣服畢次等行  
禮先望日四拜次拜七祖殿次拜木葉山神次拜金神次



拜大后次拜黑娘子次拜七祖眷屬次上柴龍受冊次入  
黑龍殿受賀當日行礼罷與太后太叔同出太禁園却入  
小禁園內與禁上番儀臣僚夜宴至三更而退四日歌伯  
五曰却來靴甸受南祖礼物小禁園在太禁園外東北角  
內有毬帳二十三座大禁園每一面長一百一十步內有  
毬帳十座黑毬黑兵幕七座大小禁園外有契丹兵甲一萬  
人各執鎗刀旗鼓弓箭等旗上錯成番書州字語漢正軍  
七祖字者太祖太宗世穆宗景宗聖宗興宗也赤娘子者  
番語謂之掠胡輿俗傳世陰山七騎所得黃河中流下一  
婦人因生其族類其形木調彩裝當時於木葉山廡內安  
置每一新戎主行柴冊礼時於廡內取耒取作儀住第三日  
送婦本廡七祖眷屬七人俱是木人着紅錦衣亦於木葉  
山廡內取到柴龍之制高三十二尺用帶皮榆柴疊就上  
安黑漆木壇三層壇上安御帳當日戎主坐其中下有契



冊臣僚三百餘人皇后生產如遇八月先啓建無量壽道  
場逐一日番禮拜一月與戎主各帳窺預先造團白氈帳  
四十九座內一座最大徑圍七十二尺皇后欲覓產時於  
道場內先燒香望日番拜八拜便入最大者帳內其四十  
八座小帳於大帳周圍卓放每帳各用有角羊一口以一  
人紐羊角候皇后欲產時令諸小帳內人等一時用力紐  
羊角其声俱發內外人語不辨者云此羊代皇后認痛之  
声也仍以契丹翰林院使扶却眼抱皇后胸穩婆是燕京  
高夫人其皇后用甘草苗代捍草卧之若生男時方產了  
戎主着紅衣服於前帳內動番樂與近上契丹臣僚飲酒  
皇后即服酥調杏油半盞如生女時戎主着皂衣服動漢  
樂與近上漢兒臣僚飲酒皇后即服黑豆湯調鹽三錢其  
羊差人收放不得宰殺至自直斃皇后至第九日却歸戎  
主帳其餘契丹婦人產時亦望日番拜八拜候入帳內以



手怕子抹却契丹醫人眼抱婦人腦卧其草苗若生男時其夫面塗蓬子胭脂產婦亦服酥調杏油其蓬子八月叔以籠布絞汁用時以浸布水塗面番婦人時常亦用作叔飾或生女時其夫面塗黑產婦亦服黑豆湯調鹽番言用此二物塗面時宜男女貧者不具此儀

銀牌有三道上戎主下及其丹臣度每年取初降雪時帶用戎主太后建墳時但是近位番漢臣僚等並齊道治慶離漢與万歲也契丹如見月蝕當夜各備酒饌相賀戎主次日亦有宴會如日蝕即盡望日嚙之仍背日坐

戎主及契丹臣度每聞霹靂声各相鉤中指只作喚雀声以為攘厭也戎主及契丹臣度等如見旋風時便合眼用鞭子空中打四十九下口道坤不克七声漢語鬼風也以攘壓之凡兵馬應是漢兵多以得勝或必勝二字為號諸番兵以萎呵認為號漢語龍虎二字也



銀牌有三道上是番書朕字用金鍍釵成見在內侍左承  
宜宋璘處收掌用黑漆匣盛每日於戎主前呈封一遍或  
有緊急事宜用此牌帶在項上走馬於南北大王處抽箭  
兵馬餘事即不用之

長牌有七十二道上是番書勅走馬字用金鍍釵成見在  
南內司收掌每遇下五京諸處取索物色其進南朝野味  
鹿茸果子用此牌信帶在腰間左邊走馬



木刻子牌約有一十二道上。是番書急字。左面刻作乚。刻取其本國已歷之世也。右面刻作一。刻傍是番書永字。其字只是用金鍍銀葉。陷成長一尺二寸已未。每過往女直達輶國。取要物色。抽發兵馬。此牌信帶在腰間。左边走馬。其二國驗認焉。



鉄爪番手鬢觀以熟鉄打作八片虛合成用柳木作柄約長三尺兩頭鉄裹打數不過七下

沙袋番呼郭不離以牛皮夾縫如鞋底內盛沙羊以米柄以柳木作胎亦用牛皮裹約長二尺打數不過五百

戎主大右寢帳內事不論大小若傳播出外捉獲者其先傳播人處死接聲傳播人決沙袋五百契丹盜衣服錢絹



諸物等捉獲贓重或累倍估計價錢每五貫文決沙袋一  
下累至一百五十文決沙袋五百配役五年若更有錢時  
十貫文打骨鏹壹下至骨鏹五十已上更有錢時處死  
四時捺鉢春捺鉢多於長春州東北三千里就燻甸住坐  
夏捺鉢多於永安山住坐秋捺鉢無定冬捺鉢多在靴甸  
住坐所謂捺鉢者戎主所至處也